

FITAOMANA



Minoa fotsiny, minoa fotsiny,
Ny zavatra rehetra dia azo atao, minoa fotsiny;
Minoa fotsiny, minoa fotsiny,
Ny zavatra rehetra dia azo atao, minoa fotsiny.

Ndao isika hanondrika ny lohantsika.

² Ry Rainay any An-danitra, misaotra Anao izahay noho izany hira izany, mba hino fotsiny! Mijery fotsiny ny Tomponay rehefa nanatona an'ilay zazalahy tratry ny androbe Izy, nanao hoe, "Mahay Aho, raha mino ianao, satria ny zavatra rehetra dia azo atao ho an'ireo izay mino." Tompo, vonjeo ny tsifinoanay izao hariva izao, izany no vavakay. Tena misaotra Anao izahay nohon'Ny Fanatrehanao miaraka aminay, sy ny olona mino Anao sy tia Anao. Ary ny mahafantatra ankehitriny, tsy hoe izahay dia ho, fa ankehitriny dia efa nasandratra ao amin'ireo toeran-Danitra ao amin'i Kristy Jesosy izahay, mipetraka miaraka amin'ny Mpanjakanay izao hariva izao, efa mipetraka sahadys ara-toerana miaraka Aminy. Oh, toy ny ahoana no isaoranay Anao noho izany fahatokiana izay anananay ao Aminy izany, ireo Fampantanenany, mahafantatra fa tsy mety diso mihitsy izany, fa marina foana izany. Mivavaka izahay mba Hamangianao anay izao hariva izao. Enga anie ny Fanahy Masina handray ny Tenin'Andriamanitra ka hizara an'Izany ao am-ponay arak'izay ilainay fotsiny, ka rehefa miala izahay izao hariva izao, handeha ho any an-tranonay, dia afaka miteny miaraka amin'ireo izay avy tany Emaosy indray hariva, hanao hoe, "Tsy nangorakoraka tao anatintsika ve ny fontsika raha niresaka tamintsika Izy teny an-dàlana?" Fa mangataka an'izany amin'ny Anaran'i Jesosy izahay. Amena.

³ Afaka mipetraka. Tena faly aho ny tafaverina indray izao hariva izao, hiresaka aminareo sy hiombona miaraka aminareo, manodidina an'ireo zavatra izay an'i Kristy. Hoe tsy misy tanjona hafa ananantsika ny ho eto, afa-tsy ny hanao an'izany, miombona manodidina Ny Teniny fotsiny.

⁴ Miala tsiny aho fa mitazona anareo rehetra tara isan-kariva. Niteny tamiko ny olona iray, nanao hoe, "Ny olona eto dia mody amin'ny valo sy sasany na amin'ny sivy ora, avy any am-piagonana." Fa izaho dia—tatsimo iray fotsiny aho, ary somary miadana, fantatrateo. Ary tsy afaka mieritreritra an'ilay izy tena haingana aho. Tsy maintsy somary maka fotoana fotsiny amin'izany aho.

⁵ Fa mankasitraka tokoa aho nohon'ny fiaraha-miasa tsara izay izaho— izay azoko avy aminareo olona ato, izay mino an'Andriamanitra. Ny—ny fiaraha-miasa tsaranareo no manao

an'ilay izy tena mora mba, mba hihetsehan'ny Fanahy Masina eo anivon'ny olona. Maniry aho ny afaka hahita an'izany hatraiza hatraiza, izaho—tena maniry aho, izay ahafahanareo mahita olona izay mino. Tsy mampaninona izay ataon'Andriamanitra, fanomezam-pahasoavana firy no Hasehony, tsy maintsy mino an'izany ianareo, hitanareo, satria tsy misy fiantraikany izany raha tsy mino an'izany ianareo.

⁶ Indray mandeha Jesosy, avy tany amin'ny faritra hafa, dia tonga tao amin'ny Azy Manokana. Ary hoy izy ireo hoe, "Renay fa nanao an'izao-sy-izao Ianao tany amin'ny toerana iray," nefy avy eo dia tsy afaka nanao asa lehibe maro Izzy. Ankehitriny dia tsy tiantsika ny milaza azy tahaka an'izany, saingy tahaka an'izany no ilazan'ny Soratra azy, hoe Izzy dia afaka nanao... "Tsy afaka nanao asa lehibe maro Izzy, nohon'ny tsi-finoan'izy ireo."

⁷ Ary ny herin'Andriamanitra dia voafetra eo amin'ny finoanareo an'izany. Hitanareo? Izay ihany no fetra ananany, dia ny finoanareo. Ary raha... Ny zavatra rehetra dia azo atao ho an'ireo izay hino an'izany. Hitanareo? Misy Andriamanitra lehibe iray any An-danitra, ary raha afaka mifandray amin'izany fotsiny isika, tahaka ny tsipika mivantana mankany Aminy, dia azo atao ny zavatra rehetra. Hitanareo? Saingy tsy maintsy mifandray Aminy isika, tsy misy sakana na aiza na aiza, fa fantsona iray mazava fotsiny eo amintsika sy Andriamanitra. Amin'izay fotoana izay dia hoy Izzy hoe, "Raha milaza amin'ity tendrombohitra ity ianareo hoe, 'mifindrà, ka tsy misalasala ao am-ponareo, fa mino an'izay nolazainareo.' Ankehitriny, tsy afaka mamitaka amin'izany ianareo. Satana dia tsy mamitaka mora loatra, noho izany dia tsy afaka mamitaka amin'izany ianareo. Fa rehefa fantatrareo marina tokoa ilay izy, amin'izay fotoana izay dia tsy maintsy mitranga izany, hitanareo, tsy maintsy mitranga fotsiny izany.

⁸ Noho izany dia eto isika, ary manompo Azy, ka maha-te-ho tia sy tsara indrindra amin'ny an'alinalina ho an'ny fanahintsika Izzy. Ary faly tokoa izahay ny mipetraka eto miaraka aminareo, izao hariva izao, amin'ity fotoan'ny fiombonana maha-te-ho tia ity.

⁹ Ankehitriny, ianareo izay tia mamaky ny Teny, na manisy marika an'ireo toerana. Nieritreritra aho izao hariva izao, efa nitory teny betsaka mikasika ny fanasitranana avy amin'Andriamanitra, somary nanova an'ilay lohahevitra aho izao hariva izao, kely fotsiny. Tsy dia tena nanova azy loatra, fa ny famelabelarana azy fotsiny. Satria, tsy afaka manova Teny anankiray ao amin'ny Baiboly ianareo, satria mifanitsy amin'ireo Teny hafa miaraka Aminy fotsiny Izzy. Ny Soratra rehetra dia mifamatotra miaraka fotsiny. Izany fotsiny dia tahaka ny—ny...

¹⁰ Miala tsiny, raha toy ny manevateva ity, ary tsy tahaka an'izany no tiako ilazana azy, mihitsy. Fa ilay izy dia tahaka ny kisarisarim-piozila kely iray fotsiny, fantatrareo. Naka an'ireo kisarisarim-piozila tranainy isika taloha tapatapaka tanteraka—tanteraka, ary avy eo dia nipetraka isika ka nianatra hoe ahoana no hametrahana azy miaraka. Ary avy eo dia tsy maintsy nanana zavatra iray isika nipetraka teo amin'ny ilany, ny sarin'izay ezahintsika hapetraka miaraka, mba hanao an'ilay kisarisarim-piozila hivoaka tsara. Raha tsy nanao an'izany ianareo, ianareo dia—tsy ho vitanareo mihitsy ilay izy.

¹¹ Ary tahaka an'izany ny Soratra ankehitriny. Voatapatapaka tahaka an'izany Izzy, mba ho hafenina amin'ny mason'ny hendry sy manan-tsaina; hitanareo, tahaka an'ireo Fariseo izy ireo, nianatra manan-tsaina. Ary Jesosy dia nisaotra an'Andriamanitra fa (Izany) efa nanafina an'Izany tamin'ny mason'izy ireo Izzy, ary hanambara an'Izany amin'ny zaza izay hianatra.

¹² Ankehitriny raha tianareo ny ohatrareo, hametraka ny modelinareo eny amin'ny ilany, mba hahitana an'izay iarahan'ny Soratra mandeha, apetraho eto fotsiny Jesosy dia mandehana mandinika Azy, ary voapetraka ato amin'ny Baiboly izany. Manana an'ilay zavatra manontolo mivoaka tsara ianareo, satria izany no fanambaran'i Jesosy Kristy. Ny—ny Testaments Vaovao sy ny Taloha, izy roa, ny rehetra dia miresaka ny amin'i Jesosy, hitanareo, Jesosy Kristy ilay Zanak'Andriamanitra, satria Izzy no (ilay) ity Bokin'ny Fanavotana ity. Efa Izzy no Teny, ary Izzy no Teny, ary tsy maintsy ho Izzy izany, hitanareo. Noho izany dia ity no Bokin'ny Fanavotana manontolo, dia i Jesosy Kristy, napetrak'Andriamanitra nifanaraka mihitsy; miaraka amin'ireo teny fikasan'ny fanavotana sy fanasitranana, ary ny zavatra rehetra, ho an'ny olombelona. Hitanareo? Azonareo ve izany ankehitriny? Ity Boky ity dia Jesosy Kristy, natambatr'Andriamanitra. Hitanareo? Ary tonga tahaka ny olombelona iray Izzy ka nanavotra antsika, ary ny teny fikasana tsirairay dia ao Aminy, ary ho anareo, satria Izzy no Mpanavotra.

¹³ Ndao isika hamadika izao hariva izao ao amin'ny Testaments Taloha, mba hahazoana an'izay iriantsika hakana ny lohahevitsika, raha mamaky avy ao amin'ny Isaia isika, ny toko faha-6 an'ny Bokin'ny Isaia mpaminany.

¹⁴ Tiako ny soratr'i Isaia. Mpaminany lehibe iray izy. Efa fantatrareo ve fa i Isaia no nanoratra ny Baiboly manontolo, toy ny santatra mialoha iray ho an'Izany? Nanao izy. Nanomboka teo amin'ny famoronana i Isaia, eo afovoan'ny Boky dia tonga i Jaona Mpanao-batisa, ary ny farany ao amin'ny Arivo taona. Noho izany izy... Misy Boky enina amby enimpolo ao amin'ny Baiboly, ary toko enina amby enimpolo ao amin'ny Isaia, noho izany dia aloka mialoha an'ny Baiboly manontolo mihitsy tokoa izany.

¹⁵ Ndao isika ankehitriny hamaky avy ao amin'ny toko faha-6.

Tamin'ny taona izay...nahafatesan'i Ozia no nahitako ihanay koa ny Tompo nipetraka teo ambonin'ny seza fiandrianana, avo...manerinerina, ary ny ebaneban'akanjony nameno ny tempoly.

Ary teo ambonin'izany no nitsangana ireo serafima: nanana elatra enina ny tsirairay avy; ny roa nanaronany ny tavany, ary ny roa nanaronany ny tongony, ary ny roa nanadinany.

Ary nifampiantsoantso, ka nanao hoe, Masina, masina, masina, ny TOMPO Andriamaniry ny maro: feno ny voninahiny ny tany rehetra.

Dia nihozongozona ny tolanam-baravarana nohon'ny feony, izay niantsoantso, ka feno setroka ny trano.

Dia hoy aho hoe, Lozako! fa maty aho; satria lehilahy maloto molotra aho, ary mitoetra eo afovoan'ny firenena maloto molotra aho: fa ny masoko efa nahita ny Mpanjaka, ny TOMPON'ny maro.

Dia nanidina nanatona ahy ny iray tamin'ireo serafima, nanana vainafo teny an-tanany, izay nalainy tamin'ny tandra avy teo amin'ny alitara:

Ary napetrany teo am-bavako izany, ka hoy izy hoe, Indro, efa nikasika ny molotraio; ka afaka ny helokao, ary ireo fahotanao dia voadio.

Ary reko koa ny feon'Andriamanitra...ny feon'ny Tompo, nanao hoe, Iza no hirahiko, ary iza no...na iza no handeha ho anay? Dia hoy aho hoe, Inty aho; iraho aho.

¹⁶ Maniry aho ny haka lahateny iray, raha izany no tsy maintsy hiantsoantsika azy, eo amin'ny lohahevitra hoe *Fitaomana*. Zavatra iray lehibe ny fitaomana. Nilazana isika, ny Soratra, fa, "Isika dia epistily voasoratra, ary vakian'ny olona rehetra."

¹⁷ Ary isika, amin'ny maha-Kristiana, dia tokony hitandrina isan'andro an'izay ataontsika sy izay lazantsika, mba hahitsy fo tanteraka amin'ny olona rehetra isika. Ary ianareo, raha tsy afaka ny hahitsy fo amin'ny olona namanareo ianareo, dia tsy hahitsy fo amin'Andriamanitra tokoa. Noho izany dia tahaka ny anompoantsika an'Andriamanitra, no, ifanompoantsika. Arakaraky ny hahitsiko fo aminareo, dia arakarak'izany no hahitsiko fo amin'Andriamanitra. Ary tahaka an'izany koa ianareo amiko. Tsy maintsy mahitsy fo amin'ny tsirairay isika amin'ny fifandraisantsika rehetra.

¹⁸ Ary misy olona iray mandinika antsika. Mety tsy mieritreritra an'izany ianareo, fa misy maso mandinika anareo. Ary mitaona olona iray ny fiainanareo. Angamba ankizy kely iray izany, ary io ankizy io dia mety mitombo ho lasa Finney

hafa iray, na Moody, na ny sisa. Tsy mahafantatra isika. Fa ny—ny fiainanareo dia mitaona olona iray.

¹⁹ Ary ny toerantsika izao hariva izao dia tena toerana iray lehibe eo amin'ity, satria mamaky azy fotsiny aho tamin'ity tolakandro ity, rehefa nianatra aho, nieritreritra hoe lehibe toy ny ahoana Andriamanitra.

²⁰ Aninkeo maraina, rehefa somary nandehandeha izaho sy ny zanakolahy nanodidina ny—ny vondron-trano, nisy olona maro be tany. Nidina teo akaikin'ny Times Square izahay, satria nilaza izy ireo fa horavan'izy ireo izany. Heveriko fa ilay mpa-... ny—efa manomboka ny asa. Noho izany dia nojereko izany, ary naka sary vitsivitsy izahay. Ary ny olona, nitangorona! Nilaza tamin'ny zanakolahy aho, Billy, hoy aho hoe, "Mandeha aiza izy ireo? Inona ilay fahamaikana? Indro izy ireo, eo ambanintsika, mihazakazaka; ary eto, mihazakazaka; ary eo ambonintsika, mihazakazaka. Izaho... Aiza no alehan'ny olona rehetra ao amin'ny fahamaikana iray tahaka an'izany?"

²¹ Ary raha nitsangana izahay, dia nieritreritra an'izany hoe, "Ahoana no ahafahan'Andriamanitra mahafantatra ny eritreritry ny olona tsirairay? Ary ahoana no maha-mety an'izany hoe ireo—ireo lavitrisa rehetra eto an-tany, kanefa fantatr'Andriamanitra isaky ny manakimpy ny masonareo ianareo?" Tsy manam-petra Izy.

²² Ary raha te-hahafantatra fotsiny ianareo, ka ho afa-po amin'izany fotsiny, raha mba tonga ao an-tsainareo izany, dia mivoaha ary miandrindrà any amin'ireo kintana ka manontania hoe ahoana no Ifehezany an'ireo rehetra ireo, amin'izay fotoana izay dia ho hitanareo hoe ho asa kely toy ny inona izany. Rehefa ireo kintana ireo, afaka mahita habakabaky ny hazavana roapolo amby zato tapitrisa taona ianareo, amin'ny alàlan'ny masolavitra iray; fantatrareo hoe haingana toy ny ahoana no andehanan'ny hazavana, nahoana, afaka manao laharantsivy manodidina ny fanjakan'i New York ianareo, tsy afaka manapaka an'izany amina maily. Ary ankoatra an'izany dia misy kintana maro tahaka ny isiany amin'ity ilany ity, any amin'ny Tendrombohitra Palomar sy ny Tendrombohitra Wilson any California, mety ho hita izany.

²³ Eritrereto hoe lehibe toy ny ahoana Izy, ary ahoana no Ihazonany ny tany! Ity tany ity, na ny iray amin'ireo kintana ireo no hifindra hiala amin'ny toerany, an-tapitrisany sy andavirisany maily lavitra, dia hisy fiantraikany amin'ity tany ity izany. Tsy maintsy mijanona eo amin'ny toerany fotsiny io rafitry ny masoandro manontolo io. Ary, hitanareo, ny zavatra rehetra izay nataon'Andriamanitra, tahaka an'izany, dia mankatò an'Andriamanitra. Fa rehefa nanao ny olona Andriamanitra, dia toa te-hahafantatra betsaka noho ny Fantany ny olona, hitanareo; izany dia, isika no hany tokana tsy eo amin'ny

toerana. Mijanona amin'ny toerana izy ireo. Ary tsy maintsy mijanona eo amin'ny toerana izy ireo, mba hifandrindra.

²⁴ Ohatra, ny volana, raha hany niala amin'ny toerany ny volana, dia ho feno rano ny tany, ao anatin'ny fotoana fohy. Hitanareo, ny—ny volana dia—dia tahaka ny mpiandry ranomasina iray raha ny marina. “Izy no nametraka an’ireo fetrany, ka tsy afaka mihoatra izy.” Ary rehefa mihodina manalavitra ny tany ny volana, dia tonga ireo samonta. Raha tsy azon’ny volana tany amin’ilay ilany hafa izy, dia ho nandrakotra ny tany izy. Hitanareo? Noho izany raha mijanona ny volana ka—ka manodina ny lamosiny izy mba hijery ny ilany hafa an’izao tontolo izao, dia—dia indro tonga haingana mihitsy ireo rano, ary avy eo dia mihodina indray izy. Mpanompon’i Jehovah izy. Mijanona ny ranomasina ary miverina amin’ny toerany indray, satria hitany ilay hetsik’i Jehovah tanteraka.

²⁵ Oh, raha isika ato amin’ny fiangonana, amin’ny mahamembran’ny Vatan’i Kristy, fotsiny mantsy no afaka miasa ao amin’ny firindrana tahaka izany, dia hahita Fiangan’Andriamanitra velona iray lehibe sy mahery ianareo, ao anatin’ny filaharana anankiray, feno ny Fanahy Masina. Tsy hahafinaritra ve izany? Ny mambran’ny Vatana tsirairay dia miasa eo amin’ny toerany marina tokoa, ny fanomezam-pahasoavana tsirairay eo amin’ny toerany, ny fanomezam-pahasoavana tsirairay manampy ny hafa, ny mambra tsirairay manampy ny hafa, hahafinaritra izany. Izany no tiantsika ho hita. Fa ho hitantsika izany indray andro any, ary ho tsara izany.

²⁶ Ankehitriny, ity lehilahy tanora ity, Ozia, no mpanjaka. Fa talohan’ny nahalasa azy ho mpanjaka... Mpanjaka iray nandritry ny fanjakan’i Isaia izy, ilay mpaminany. Ary izy dia zazalahy mpiandry ondry iray; tiany ny ankalamanjana. Fitaomana lehibe iray izy teo—teo amin’ny fiainan’i Isaia. Isaia dia lehilahy tanora iray, ihany koa, mpaminany tanora iray fotsiny. Ary vakio ny tantara, raha tianareo ny haka ny Tantara Faharoa 26, izany no hiteny aminareo hoe ahoana fa tamin’ny fahenina ambin’ny folo taona, taorian’ny fahafatesan’ny rainy marina, izy dia lasa... dia nalain’izy ireo izy ka nataony mpanjakan’ny Isirael. Tamin’ny fahenina ambin’ny folo taona no nanombohany nanjaka. Ary efa nahita ny fitaoman’ireo raiamandreniny izy; ny reniny dia vehivavy masina iray, ary ny rainy dia lehilahy masina iray, teo anatrehany. Ary, tao amin’izany, izany no mametraka an’ilay fitaomana tao amin’ilay ankizy hanao an’izay marina.

²⁷ Teneniko aminareo. Heveriko, amin’izao andro izao, dia manana tena onja iray an’ny heloka bevava ataon’ny tanora isika manerana ny firenena, fa, raha ny marina, dia heveriko fa izany dia nanomboka tao an-trano. Izaho—heveriko fa ireo raiamandreny no nanomboka namela handeha. Ary raha

notezaina tao amin'ny tokantrano tsara iray, amin'ny fanao fahiny, masina ilay ankizy; tsy milaza aho fa hifarana izany rehetra izany, tsia tokoa, saingy hanome an'ilay karazana fitaomana tsara ho an'io ankizy io tokoa izany. Heveriko, matetika, fa, ireo tokantrano izay nitaizana ratsy an'ireo zanaka, no namotsotra teny an-dàlambe, ka nivelonambo ho an'ny tenany fotsiny raha mbola nijanona tao amin'ny trano fisotroana iray ilay reny, na ilay . . . sy ilay ray, sy ny sisa. Tsy mikarakara an'io ankizy io izy ireo. Ny zavatra iray hafa, tsy tian'izy ireo izy ary tsy omeny ny fitiavana, mba hikarakarana azy. Tanora izy. Tsy maintsy mampianatra azy ho tia sy hanaja ianareo, ary hamaky ny Baiboly.

²⁸ Mieritreritra an'i Susanna Wesley aho. Heveriko fa nanana zanaka fito ambin'ny folo izy. Heveriko fa marina izany. Saingy nahita adiny roa na mihoatra izy, isan'andro, hivavahana. Teo amin'ny—ny tendron'ny akanjony, izay nandohalehan'ireo zazalahy kely, avy teo no namokatra John iray sy Charles iray izay nanova ny fandehan'izao tontolo izao, namonjy an'izao tontolo izao tamin'izany andro izany. Ary tsy nanana milina fanasan-damba sy fanamainana izy, tahaka ny ananantsika amin'izao andro izao, sy fanasam-bilia, sy ny sisa, na mpanompovavy. Ny zavatra izay . . . Nanao an'izany rehetra izany samirery izy, kanefa mbola afaka nahita fotoana satria nametraka fitaomana iray ho an'ireo ankizy sasany izy izay nanova ny fandehan'izao tontolo izao tamin'ny farany. Heveriko fa izany no reny amin'ny fanao fahiny, ilay tokantrano amin'ny fanao fahiny, izay misy ny vavaka sy ny fahazoana ny Baiboly.

²⁹ Mino aho, fa tsy nanana boky iray mihitsy i Abraham Lincoln teo amin'ny fiainany, mandra-pahazoany taona, afa-tsy ny Baiboly ary heveriko fa ilay izy dia na ny *Foxe's Book Of Martyrs*, izaho mety . . . mety ho boky iray hafa, heveriko fa ilay izy dia *Pilgrim's Progress*, mba ho marina, ilay izy dia *Pilgrim's Progress*, sy—sy ny Baiboly. Hitanareo ve hoe karazana toetra inona no nandasitra?

³⁰ Avelao fotsiny aho hiditra ao an-tranonareo ary hahita hoe karazana sary inona no anananareo eo amin'ny rindrinareo. Avelao aho handeha any an-tranonareo na ny biraonareo, ary ndao jerentsika hoe karazana mozika inona no mandeha. Hitanareo? Izay vakianareo, izay jerenareo, dia afaka miteny tsara aminareo mihitsy an'izay ao anatinareo aho, hitanareo, satria mihinana eo amin'izany ilay izy. Hitanareo? Ary, oh, ho an'ny tokantrano iray, raha nanao trano iray maha-te-ho tia kokoa isika, dia tsy ho te-handositra ireo ankizy. Manaova zavatra bebe kokoa ho azy ireo, izay ahatsapan'izy ireo fa tongasoa izy ireo sy mahafinaritra ary mahazo aina ao an-trano; ka, trano, zara izy ireo raha afaka miandry mandra-pahatongany ao. Ary tokony ho tahaka an'izany ny trano.

³¹ Ary heveriko fa izany no karazana trano tsy maintsy

nitaizana an'i Ozia, nohon'ny fitaoman'ireo raiamandreniny masina. Ary vantany vao lasa mpanjaka izy, dia tsy noraharahiny ny hevi-bahoaka rehetra sy ny fahasamihafana ara-politika rehetra, fa zavatra anankiray no nametrahany ny fisainany: hanompo an'Andriamanitra izy, na inona na inona! Mila politisiana betsaka tahaka an'izany isika. Izy—tapa-kevitra izy fa hanompo an'Andriamanitra, satria tahaka an'izany no nitaizana azy, ary ny rainy no nanome azy ny fitaomana tsara, mba izy—nahafahany nanompo an'Andriamanitra sy velona.

³² Ary tena lehibe ny fanjakany hany ka, mino aho, izany no nanaraka ny fanjakan'i Solomona. Mino aho fa izany no noheverina ho nanaraka ny fanjakan'i Solomona. Toy ny ahoana no nitahian'Andriamanitra azy!

³³ Ary fitaomana lehibe teo amin'ity mpaminany tanora ity izany, Isaia, izay tao amin'ny tempoly tamin'izany fotoana izany, na teo amin'ilay firenena. Ary ahoana no nahitana azy, ary ahoana no nitahian'Andriamanitra lehilahy iray naka an'ilay toerana tsara, nanao an'ilay zavatra tsara, nanana an'ilay antony tsara sy ilay tanjona tsara, ary nanao ny tsara izy.

³⁴ Indraindray ianareo dia mety mihevitra fa tsy misy vokany izany. Fa misy vokany tokoa izany. Tsy maintsy misy vokany izany. Tsy afaka mandeha any atsinanana sy andrefana amin'ny fotoana iray ihany ianareo. Tsy afaka mandeha any ankavanana sy ankavia amin'ny fotoana iray ihany ianareo. Mety mihevitra ianareo fa mandeha amin'ny lalana hafa, saingy tsy mandeha ianareo. Noho izany raha apetrakareo ny—ny fisainanareo sy ny masonareo, ary ny antonareo sy ny tanjonareo, amin'ny fiainana, eo amin'ny zavatra tsara, dia tsy maintsy tafavoaka eo amin'ny zavatra tsara ianareo. Tsy afaka ny tsy hahomby ianareo. Hitanareo? Izany no fomba tokana. Tsy mampaninona na impiry ianareo no alaim-panahy hanao an'ilay lafiny hafa, ahodino miala amin'izany ny lohanareo ka ataovy izay marina. Ary ianareo—fantatrareo fa marina ny anareo; mahatsapa ho tsaratsara kokoa ianareo, ary tsaratsara kokoa ianareo. Ary izay fotsiny ihany no misy amin'ilay izy, manana ianareo... ho tafavoaka tsara ianareo. Raha manomboka mandeha any andrefana ianareo, ianareo dia tsy—tsy handeha any avaratra ianareo, ianareo dia handeha hankany... handeha hankany andrefana ianareo. Ary tahaka an'izany ilay izy eo amin'ny marina sy ny diso.

³⁵ Ary hitan'i Isaia izany, ka hitany fa notahian'Andriamanitra izy. Ary ahoana izy...ny firenena rehetra, nanodidina azy, niely hatrany Egypta ny lazany. Ary ahoana fa tsy te-hiady taminy ireo firenena, izy ireo—hitam'izy ireo fa nomba azy Andriamanitra. Noho izany fotsiny izy...Nandefana fanati-pihavanana sy andian'ondry ho azy izy ireo, sy ny sisa, ary—ary nanome azy an'izany, mba hanao fihavanana. Ary lehilahy tsara iray izy.

³⁶ Ary mino aho raha ny firenena iray, na vahoaka iray, na fiangonana iray, na isam-batan'olona iray, tsy mampaninona na firy ireo mpitsikera mitsikera anareo, dia manaova an'ilay zavatra marina fotsiny. Manana fanajana anareo izy ireo, ao ambanin'ny fony. Ary hitako fa izany no fahamarinana. Hitanareo? Ary aoka hahitsy fo sy marina. Hanaja an'izany ny olona. Ary na dia diso aza izy ireo, dia mbola manaja an'izany foana izy ireo, hitanareo, satria izany dia—ny olombelona fotsiny izany. Olombelona isika rehetra, ary isika—fantatsika fa misy ny tsara sy ny ratsy, ary tsy maintsy mandray an'izany isika.

³⁷ Ary—ary nihazona an'izany faneva izany i Ozia. Fitaomana lehibe iray izy, araka ny nolazaiko, ho an'i Isaia mpaminany.

³⁸ Ary avy eo dia nanao an'io fahadisoana mahafaty io i Ozia, tahaka ny ataon'ny olona maro hafa. Rehefa izy no, nahatsapa ho voaaro, nahatsapa fa izy no nanana ny zavatra manontolo teny an-tànanay, dia lasa nisandratra izy tao amin'ny fanahiny. Nisandratra izy, niavonavona. Ankehitriny dia io no tena ohatra iray ho antsika rehetra.

³⁹ Fantatrareo, izany ilay olana. Izaho dia—miresaka amin'ireo Kristiana aho sy—sy ireo mpitoriteny, ary izaho—te-hahitsy fo aho mikasika an'ireo zavatra ireo. Ary eo mihitsy aza no anaovan'ireo mpitoriteny maro fahadisoana. Efa imbetsaka no nandrenesantsika mikasika an'ireo mpitoriteny, ireo—ireo fihetsika izay atao'n'izy ireo, sy—sy ny sisa, ny sasany amin'izy ireo angamba manao zavatra izay tsy tokony hataony. Heveriko indraindray, lehilahy tsara izy ireo, Kristiana mahafinaritra izay nampiasain'ny Tompo. Fa avy eo amin'ny farany dia mahazo fanjakana kely naorina manodidina azy izy ireo, na fitaomana betsaka, olona maro no manatrika ny favorian'izy ireo, hany ka lasa tsy miraharaha, ary lasa somary misandratra izy ireo. Mitehaka azy ireo ny olona ary mitsangana, ary—ary isika—tsy tokony hanao an'izany marina tokoa isika. Isika, tsarovy, isika rehetra fotsiny dia . . .

⁴⁰ Tsy misy olona lehibe eo anivontsika. Isika dia—zanak'Andriamanitra fotsiny isika rehetra, hitanareo, raha nanao ny sasany amintsika ho zavatra iray Andriamanitra ary ny sasany iray hafa. Nahoana, nanao ahy niaraka tamin'ny rantsan-tànanana iray sy maso iray Izy, sy ny sisa. Eny, tsy maintsy mifankasitraka isika, ary amin'izay fotoana izay dia tsy miezaka ny hahatsapa ho goavana. Satria, mifandray miaraka amin'Andriamanitra anankiray isika rehetra, hitanareo, ary avy amin'ny hazo anankiray isika rehetra. Hitanareo?

⁴¹ Ary ankehitriny hitantsika fa, imbetsaka, dia lasa mahatsapa ho voaaro kely fotsiny ireo mpitoriteny, ary manohy mivoaka izy ireo, ary, ny zavatra voalohany fantatrareo, dia hanao zavatra izay tsy tokony hataony izy ireo. Ary fantatsika fa, imbetsaka, ny lehilahy marina sy tsara dia ho lasa tahaka

an'izany ka hanana raharaha ara-tsosialy be loatra izy ireo, te-hivoaka hankany amin'ireo fety goavana fotosiny izy ireo, ary, ny zavatra voalohany fantatrareo, hiantso fisstroana kely izy ireo, matetitetika, ary lasa voafandrika miaraka amin'izao tontolo izao. Ary heveriko fa izany no olana amin'ireo fiangonantsika amin'izao andro izao. Heveriko fa izany no olana amin'ny hetsika Pentekotista antsika.

⁴² Mamelà ahy aloha hanambara an'ity, mazava tsara. Hitanareo? Mandre ahy milaza zavatra mikasika ny fiangonana Pentekotista ianareo. Ary pentekotista aho. Hitanareo? Fa, eto, ahoana moa raha tsy nisy olona pentekotista teto New York, izao hariva izao, aiza no ho nandehanako hitory an'ity Hafatra ity? Hitanareo? Mankasitraka ny vahoaka Pentekotista aho. Rahalahiko sy anabaviko izy ireo.

⁴³ Kanefa rehefa mahita zavatra tsy mety amin'ny rahalahiko aho, ny zanako, na ny vadiko, na inona na inona izany, ny marina dia marina. Ny raiamandreny marina dia hanitsy an'ireo zanany.

⁴⁴ Ary heveriko fa ny olana amin'ny fiangonantsika, dia miezaka isika ny hitovy be loatra tahaka an'ireo—ireo hafa. Hitanareo? Miezaka mihetsika tahaka ny olon-kafa isika, hitanareo, ary—ary manomboka mandray ny fahazaran'izy ireo. Ary ny zavatra voalohany fantatrareo, ilay izy taloha . . .

⁴⁵ Tsy tsaroako ny vahoaka Pentekotista tany amin'ny fiandohany, mazava ho azy, efa nisy izy ireo taona maro lasa izay, tamin'io hetsika farany tao amin'ny Azusa Street io, fa nalaiko ny tantarany. Ary izaho—namaky boky maro aho, ary niresaka tamin'ny lehilahy antitra sasany. Miomana ny hanao fivoriana iray izao ankehitriny izao miaraka amin'ny anankiray any Shreveport, Louisiana, ho any izy, izany no iray amin'ireo olona voalohany tany amin'ny Azusa Street. Ary noho izany dia izany no fiandohan'ny pentekosta teto amin'ity firenena ity, teo amin'ny dimampolo taona mahery lasa izay, heveriko. Nitory ny jobily volamena tao amin'ny tempolin'i McPherson aho, Angelus Temple any Los Angeles, taona vitsy lassa izay, ny jobily volamenan'ny faha-dimampolo taonan'ny pentekosta, ankehitriny, hitanareo.

⁴⁶ Fa hatramin'io fotoana io, dia nisy zavatra kely maro nuditra tao amin'ny fiangonana, satria ny fiangonana dia tsy maintsy mifampikaso-tsoroka amin'izao tontolo izao isan'andro. Ankehitriny, ary tsy te-hilaza aho hoe—hoe miverina amin'ity indray, ho—ho an'ireo anabavintsika, hitanareo, ireo rahalahitsika. Imbetsaka, efa taona maro lasa izay taloha, hoe ratsy (satria araka ny nolazaiko indray hariva) ho an'ny anabavintsika ny manapaka, ny volony. Taloha ilay izy dia ny—ny raharaha Pentekotista, hoe tsy tokony hanao an'izany izy ireo sy ireo zavatra ireo. Fa inona izany? Ankehitriny dia mandeha any amin'ireo ampahany hafa an'ny firenena isika,

ary mahita an'ireo anabavintsika Pentekotista isika miaraka amin'ireo volon-doha tondrahan-drano ireo, fantatrareo, ireo taovolo goavana tahaka an'izany. Ary afaka miteny amin'izy ireo mikasika an'izany ianareo. Ary mampiasa lokon-tarehy izy ireo. Izy ireo—manao akanjo tahaka ny lehilahy izy ireo.

⁴⁷ Dia hoy ianareo hoe, “Ankehitriny, Rahalahy Branham, mameley an'ireo vehivavy ianao.”

⁴⁸ Andraso iray minitra ankehitriny, mamelà ahy hamely an'ireo lehilahy. Ny—ny rahalahy izay hamela ny vadiny hanao an'izany, dia tsy mpanapaka tsara ny tranony. Hitanareo? Hitanareo? Hitanareo?

⁴⁹ Tsy tokony hanao an'izany ianareo. Fa inona izany? Nifampikaso-tsoroka tamin'ny sisa tamin'izy ireo isika, misy karilahy kely iray tonga avy tamin'ny seminera iray na sekoly, ary manana hevitra hafa iray mikasika an'izany. Fa ohatra tanteraka tokana ihany no misy, izany dia, miverina avy hatrany ao amin'ny Baiboly. Ny Baiboly dia manameloka an'izany, hitanareo. Ary tsy mety izany.

⁵⁰ Ary avy eo dia mahita zavatra hafa isika. Taloha dia ratsy ho an'ny olon'ny fahamasinana ny mijery cinema na sarimihetsika, fantatrareo. Ankehitriny izy ireo dia mandeha amin'ny fotoana rehetra. Hitanareo? Ary avy eo dia nisintona anankiray haingana nankeo aminareo i Satana, nametraka ny fahitalavitra tao antranonareo avy hatrany, ary, hitanareo, nanamboatra an'izany tao. Fa ireo zavatra rehetra ireo, ratsy izany taloha.

⁵¹ Eny, inona izany? Hitanareo, tonga tsikelikely izany hany ka, ny zavatra voalohany fantatrareo, dia azony fotsiny ianareo. Tahaka ny voaloboka maniry manodidina anareo izany. Ankehitriny, raha hampanalavirinareo anareo io voaloboka io, hitanareo, ka manohy mirakotra manodidina an'i Jesosy fotsiny, manodidina ny Teny ka mijanona amin'Izany, hitanareo, dia hitombo mahitsy ianareo. Miolikolika izany ary misintona anareo hiala amin'ny lèlana. Kristy misintona anareo miakatra. Io misintona anareo mankeny amin'ny sisiny.

⁵² Ary avy eo dia mahita vehivavy anankiray ianareo, tahaka ny vadin'ny mpitoriteny, na mpitoriteny iray, manomboka manao zavatra anankiray, ny fiangonany manontolo dia hanao hoe, “Eny, manao an'izany ny pasiterantsika. Manao an'izany ny vadin'ny pasitera. Nahoana izahay no tsy tokony hanao an'izany?” Hitanareo, mitaona olona iray ianareo, ary aoka hahazo antoka fa mitaona azy tsara ianareo, mankany amin'ny lèlana tsara sy ireo zavatra hatao izay marina.

⁵³ Ankehitriny dia hitantsika, rehefa misandratra ianareo, amin'izay fotoana izay dia eo amin'ny lèlanareo midina ianareo, hitanareo, rehefa manandratra ny tenanareo ianareo.

⁵⁴ Ary hitantsika ankehitriny fa ity Ozia ity, dia nisandratra izy satria nahatsiaro ho voaaro, ny zavatra rehetra nanodidina azy,

izy—nanana ny fireneny izy, sady voakarakara tsara izany, ary nitahy azy Andriamanitra. Ary nanana tanim-boaloboka lehibe, sy biby fiompy sy ondry izy, sy—sy harena ankibon'ny tany, ary ny zavatra rehetra nanan-karena. Ary niadana ny firenena rehetra niaraka taminy. Noho izany izy—nasandratra fotsiny izy hany ka nihevitra fa afaka manao ny zavatra rehetra izay izy—tiany hatao, ary avonavona.

⁵⁵ Tena nisandratra izy hany ka niezaka izy ny haka ny toeran'ny mpitoriteny iray. Dia niditra tao amin'ny tempoly izy, ary naka ny fandoroana ditin-kazo manitra ka nandeha nankeo amin'ny alitara. Ary rehefa nanao izy, dia nihazakazaka nanaraka azy ilay mpisorona ka nilaza taminy fa tsy tokony hanao an'izany izy. Ary rehefa voahitsy izy, raha tokony nanetry tena tahaka ny naha-izy azy... Talohan'ny nanandratana azy, dia ho nilaza izy hoe, "Marina izany, izaho tsy—tsy manana zò hanao an'ity," ary nampidina an'ilay fandoroana ditin-kazo manitra na nanolotra azy tamin'ilay mpisorona izay avy amin'i Arona, voatendry hanao an'izany, hany voatokana ho an'io asa io.

⁵⁶ Manao dia kely miaraka amin'ireo—ireto Full Gospel Business Men eto ireto aho. Maro amin'izy ireo no mipetraka eto mihitsy ankehitriny. Ary tsy maintsy hiresaka aho amin'ny sakaf marainan'izy ireo, Sabotsy, Sabotsy maraina any amin'ny iray... Inona? Statler Hotel, mino aho fa izay ilay izy. Nilaza izy ireo fa efa nahalafo tapakila fitonjato sy arivo ho an'ny sakaf maraina sahady.

⁵⁷ Koa noho izany, vao tsy ela akory izay, dia niresaka tamin'izy ireo aho. Ary nentin'izy ireo niakatra teo amin'ny lampihazo ireo mpandraharaha, naka ny lahateniny sy nitory ny Filazantsara. Hoy aho hoe, "Diso izany." Tena diso izany. Sarotra ho antsika mpitory teny ny mihazona an'Izany mahitsy; mainka fa maka mpandraharaha iray izay tsy voatendry ho amin'ny zavatra tahaka an'izany, izay ampidiranareo hevitra kely, sy ny sisa. Dia hoy aho hoe, "Tsy tokony hanao an'izany ianareo."

⁵⁸ Aza manandrana maka ny toeran'ilay olon-kafa mihitsy. Nanao anareo ho zavatra anankiray Andriamanitra, ka mijanònà amin'izany. Azo antoka. Mijanònà fotsiny amin'izay maha-izy anareo. Aza manandrana maka tahaka ny hafa. Izany foana no manimba an'ireo fanomezam-pahasoavana izay alefan'Andriamanitra ho an'izao tontolo izao. Mahita fakan-tahaka ara-nofo betsaka isika, ary mahita olona izay manandrana manao dika mitovy amin'ilay iray hafa.

⁵⁹ Araka ny nolazain'izy ireo tamin'ireo ramatoa mpitoriteny, fony velona Rtoa. McPherson, ary ny vehivavy mpitoriteny tsirairay dia nanao an'ireo elatra ireo tahaka ny nataony, na inona na inona izany, ary nanana ny Baiboliny tamin'ny

fomba iray ihany. Ary ny zavatra rehetra izay nataony, dia nataon'izy ireo.

⁶⁰ Mahamarika isika fa manana an'i Billy Graham maro be amin'izao andro izao! Fa hitanareo, tsy nanao afa-tsy Billy Graham anankiray mihitsy Andriamanitra. Izay ihany. Izy . . .

⁶¹ Ary manan-danja tahaka an'i Billy Graham, Oral Roberts, na iray amin'ireo lehilahy malaza ireo mihitsy ianareo. Manan-danja mihitsy ianareo mandra-pialanareo amin'ny toeranareo, ary amin'izay fotoana izay dia tsy tsara mihitsy ianareo, ianareo-ianareo dia—sakana iray ianareo ho—ho an'ireo lehilahy ireo, ary sakana iray ho an'ny tenanareo sy ny Fanjakan'Andriamanitra ianareo. Mijanònà eo amin'ny toeranareo. Hitanareo? Mijanònà amin'izay nanaovan'Andriamanitra anareo, hitanareo, ary amin'izay fotoana izay dia hiasa tsara ianareo.

⁶² Tahaka an'i Paoly, tsy misy na inona na inona vaovao izany, nampianatra an'ilay zavatra iray ihany i Paoly, nanao hoe, "Raha ny tånana no hanao amin'ny maso hoe, 'satria tsy maso aho,' na ny sofina hilaza amin'ny orona hoe, 'izaho—tsy ho sofina intsony aho, satria tsy orona,'" na zavatra iray. Ianareo—tsy afaka manao an'izany ianareo. Hitanareo, mitambatra mety tsara daholo izy rehetra ary mihetsika toy ny firaisansa anankiray lehibe.

⁶³ Ary tsy tokony hanandrana haka tahaka olona iray isika. Aoka ho izay maha-izy anareo fotsiny, hitanareo, ary tahaka an'izany no nanaovan'Andriamanitra anareo. Tsy ianareo mihitsy no nanamboatra ny tenanareo. Ary, tsarovy, na dia tiantsika mpitoriteny mihitsy aza ny haka ny toeran'i Billy Graham, dia tsy afaka manao an'izany isika, tsy afaka maka ny toerantsika koa i Billy Graham. Hitanareo, isika, ny tsirairay avy dia manana hatao. Ny olona tsotra eto izay mety ho mpiandraikitra ny trano, ny vehivavy kely izay mety ho vehivavy mpikarakara tokantrano, ny mpitoriteny lehibe malaza indrindra eto amin'ny tavan'ny tany androany dia tsy afaka haka ny toeranareo. Ianareo, Andriamanitra dia nanana tanjona iray tamin'ny nanaovana anareo amin'izay maha-izy anareo, ary manompo an'Andriamanitra fotsiny amin'ny fomba izay Nanaovany anareo ianareo. Hitanareo? Ary heveriko, raha hanao an'izany fotsiny isika, dia hihodina mora mihitsy ireo kodiarana. Eny, hihodina izany, raha hanao an'izany isika, ary tsy misandratra. Ary hitantsika, raha tokony ho . . .

⁶⁴ Rehefa miteny zavatra amin'ny olona iray ny olona iray, ara-tSoratra, ka hitantsika fa marina izany, raha tokony ho—hiezaka hanetry ny tenantsika, manao fotsiny hoe, "Eny, ankehitriny, izaho—diso aho. Mamelà ahy ianao. Ary izaho—tsy fanahy iniako . . . Izaho—tsy fantatro izany, noho izany dia hijanona tsy hanao an'izany fotsiny aho." Eny, noho izany, raha tokony hanao an'izany, dia imbetsaka isika no manao tahaka

ny nataon'i Ozia; nahatsapa toy ny goavana loatra izy mba hantsoina hidina, hitanareo, izy no mpanjaka. Ary imbetsaka no nahitako mpitoriteny tahaka an'izany, izay nahatsapa fa manan-danja loatra izy ireo mba hitenenana hoe inona ny Teny, Fahamarinana.

“Eny, efa lasa ireo andron’ny fahagagana!”

⁶⁵ Afaka maneho aminareo an’izay nanendren’Andriamanitra an’ireo fahagagana aho; ankehitriny dia tsy afaka miteny amiko ianareo hoe taiza no Nanesorany an’izany. Hitanareo? Ary nanendry an’ireo fanomezam-pahasoavana Izy; tsy nahita mihitsy ianareo hoe taiza no Nanesorany an’izany. Hitanareo, ao amin’ny Soratra izany. “Mandehana ianareo any amin’izao tontolo rehetra izao, torio ny Filazantsara amin’ny olombelona rehetra.” Hatraiza? “Any amin’izao tontolo rehetra izao, mandra-pandrenesan’ny zava-boahary rehetra an’izany, izay mandre an’izany. Izao famantarana izao no hanaraka an’ireo izay mino.” Hitanareo, tsy afaka manolo zavatra hafa isika. Raiso fotsiny izay Nolazainy, dia ho mety tsara izany ary hiasa tsara izany. Fa raha mbola miezaka manaraka ny lâlantsika manokana foana isika . . .

⁶⁶ Teo no nanaovan’i Israely ny fahadisoany mahafaty indrindra. Rehefa, avy nanomana Andry Afo iray ho azy ireo ny fahasoavana, Anjely, fanatitra iray, ka nanafaka azy ireo, nandefa mpaminany iray ho azy ireo, dia nandefa Andry Afo iray ho azy ireo hanaraka azy ireo, hitarika an’ilay mpaminany ao amin’ny lâlana. Ary rehefa tonga izy ireo, Eksodosy ny toko faha-19, rehefa nanolo ny fahasoavana tamin’ny lalâna izy ireo, dia nanao ny zavatra mahafaty indrindra izay hany nataony. Hitanareo? Fa nila zavatra izay azony natao samirery izy ireo.

⁶⁷ Tahaka an’izany isika. Tsy maintsy manana ny diplomañan’ny dokoterantsika isika. Ary raha tsy manana an’izany ianareo, dia tsy afaka miditra ao am-piagonana. Izay ihany. Noho izany, ary tsy maintsy mianatra an’ilay zavatra isika ka hahita raha avy amin’Andriamanitra izany.

⁶⁸ Ankehitriny dia mahita isika, lasa nisandratra i Ozia, ary nandeha nanao an’ilay izy na ahoana na ahoana. Norambasany ny fandoroana ditin-kazo manitra ary niainga izy. Tsy nanao fahasamihafana tamin’izay nolazain’ireo mpisorona izany, nandeha izy na ahoana na ahoana! Ary nanohitra ny Soratra izany. Tsy ara-tsoratra ny nanaovany an’izany.

⁶⁹ Tsy ara-tsoratra ny angalako na angalanareo tahaka olon-kafa. Marina. Noho izany dia aoka ho izay maha-izy anareo, ary aoka ho tsara anankiray, ka tanteraho ny tanjonareo mba ahafahan’ireo hafa hahita anareo. Raha mpikarakara tokantrano iray ianareo, dia aoka ho tena anankiray, hitanareo. Raha ianareo no va—vady lahy iray, aoka ho tena izy iray, hitanareo. Ary raha diakona iray ianareo, aoka ho tena izy iray;

na mpitory teny iray, na inona na inona ianareo. Fa aza miezaka maka ny toeran'olon-kafa.

⁷⁰ Ary avy eo rehefa mananatra anareo eo amin'izany ny Teny, dia aza... Raha tena mahatsapa ho voabedy ianareo, amin'izay fotoana izay dia mibebaha. Izay ihany, izany dia hoe mahitsia. Izany no zavatra tokana hatao.

⁷¹ Fa tsy te-hanao an'izany i Ozia. Rehefa avy nitahy azy tahaka ny Nataony Andriamanitra, kanefa tsy tsapany fa tokony hanao an'izany izy. Nihevitra izy fa hanohy, hanao an'izany na ahoana na ahoana, satria tsapany fa voaaro izy. Fa raha mbola izy tao amin'ny... Ilay izy dia somary nanao azy hahatsapa ho tezittra tamin'ireo lehilahy ireo, ihany koa, izay niteny taminy ny Tenin'ny Tompo.

⁷² Ary rehefa nanao izy, dia niditra haingana, na ahoana na ahoana, ary hitantsika tonga teo amin'ny tarehiny ny habokana. Ary boka mandra-pahafatiny izy. Tsy afaka nandeha nankany an-tranon'ny Tompo intsony mihitsy izy. Maty izy, boka iray. Rehefa nahita ny tānan'Andriamanitra izy, sy hoe ahoana fa tena tsara taminy Andriamanitra ary nanao an'ireo zavatra izay Nataony; kanefa maty io lehilahy io, nitoka-monina, boka.

⁷³ Ankehitriny dia afaka manao an'izany isika. Nahita zavatra maro isika, fa aza mieritreritra mihitsy ianareo hoe tena voaaro isika ka tsy afaka hametraka fitsarana eo amintsika Andriamanitra, hitanareo. Hitanareo?

⁷⁴ Tsarovy, aza miezaka maka tahaka olon-kafa. Aoka ho izay maha-izy anareo fotsiny. Raha nataon'Andriamanitra ho pentekotista iray ianareo, dia aoka ho tena anankiray, hitanareo. Raha—raha Andriamanitra... Aza menatra an'izany. Tsy menatra ny ho olombelona iray aho. Tsy menatra ny ho Amerikana iray aho. Izaho—tsy menatra ny ho mpitoriteny iray aho. Tsy menatra ny Filazantsara izay toriko aho. Satria...

⁷⁵ Fantattro fa maro amin'izy ireo no mihevitra fa nahavery ny saiko aho, na dia ny reniko antitra tsara, marina aza, izay maty taona vitsivitsy lasa izay. Fony aho nandray ny Fanahy Masina voalohany, dia tsy nisy olona teto amin'ny firenentsika nahafantatra na inona na inona mikasika an'Izany, ary izaho dia mpitory teny iray teo an-toerana fotsiny, kely, tanora Batista teo amin'ny roapolo taona teo, fa rehefa nandray ny Fanahy Masina aho, dia hoy ny reniko hoe, "Nahavery ny sainy io zazalahy io." Hitanareo? Fa tsy mampaninona izay noeritreretin'i neny, hitako ilay Voahangy lafo vidy. Mety ho tahaka an'izany Izy taminy, fa amiko dia tena nisy Izany. Hitanareo, nisy Izany. Izany no zavatra iray tena izy izay—izay hitako tao amin'Andriamanitra.

⁷⁶ Satria, nino foana aho, fony aho zazalahy iray, fa *Ity* no Tenin'Andriamanitra, ary tsy afaka hiova mihitsy Izany. Hoy Jesosy hoe, "Ny lanitra sy ny tany ho levona, fa Ny Teniko tsy hiova mihitsy. Tsy ho levona mihitsy Izany." Tsy afaka manolo

na inona na inona amin'Izany ianareo. Tahaka an'izany fotsiny no nanoratana Azy, ary tahaka an'izany no inoantsika Azy. Aza manampy na inona na inona, na manaisotra na inona na inona amin'Izany. Fantatrareo, ao amin'ny Bokin'ny Apokalypsy, dia Izao no voalaza hoe, "Na iza na iza hanampy teny, na hanaisotra zavatra avy amin'ity Boky ity, (inona?) dia ho eo aminy ny ozona." Noho izany dia ajanony fotsiny tahaka ny maha-izy Azy fotsiny Izy, ary minoa Azy tahaka an'izany, dia hanaja an'izany Andriamanitra.

⁷⁷ Ankehitriny dia voakapoka izy nohon'ny fisandratan'ny avonavony. Nahazo ny fahatsapana fa nisy...izy irery no anankiray izay nisy, ka hanao an'izay tiany hatao izy ary tsy hisy olon-kafa afaka hahasakana azy.

⁷⁸ Nanana rahalahy iray isika, vao tsy ela akory izay, fa nalahelo azy aho. Toy ny hoe namely azy ny olona rehetra. Nampangain'izy ireo ho nanao zavatra diso ilay rahalahy, izay ny gazety no niampanga an'izany. Fa izaho—lasa mieritreritra an'izany aho, *miammpanga* an'ilay lehilahy? Tena niaro azy aho, satria...Izaho—tsy nifanaraka taminy tokoa aho. Fa ilay lehilahy izay nanoratra lahatsoratra iray ka nametraka an'izany tao amin'ny magazina iray, fa io lehilahy io dia nilaza an'ireo zavatra samihafa rehetra ireo ary nanao an'ireo zavatra ireo.

⁷⁹ Ary indray hariva tao amin'ny favoriana iray tany—tany Minneapolis, dia niteny tamiko izy ireo fa tao ilay mpanoratra an'io magazina io. Ary vao niseho tao amin'ny magazina Kristiana ilay lahatsoratra, noho izany aho...ilay izy dia *Christian Digest*, noho izany aho... izy ireo—notondroin'izy ireo ilay lehilahy, tamiko, nanao hoe, "Izy io mipetraka *etsy* io." Ary nananany tao amin'io lahatsoratra io, hoe ity mpitoriteny ity dia nanoratra zavatra, boky iray izay tsy nosoratan'ilay lehilahy. Fantatro ilay izy. Ramatoa iray no nanoratra an'io boky io, ary fantattro ilay ramatoa. *Kaikitrty Ny Devoly*.

⁸⁰ Noho izany aho—hoy aho hoe, "Eny, ankehitriny, zavatra anankiray izay tiako holazaina. Ankehitriny, mety tsy mifanaraka amin'ilay mpitoriteny aho, fa mieritreritra aho, raha ilay—raha ilay tonian'ity andalana ity, raha tsy nanamarina ny sorany mihitsy izy tsaratsara kokoa noho ny milaza fa io lehilahy io no nanoratra io lahatsoratra io, ary fantattro fa tsy nanao an'izany izy, hitanareo, amin'izay fotoana izay dia matahotra aho fa betsaka tamin'ireo zavatra nolazainy mikasika an'io mpitoriteny io no diso." Ary noho izany dia izao no nolazaiko, "Aleoko hita ho diso mihitsy aza, amin'ny fiezahana hanao olona iray ho voavonjy, toy izay miezaka hisakana olona iray izay miezaka manao olona iray ho voavonjy." Hia.

⁸¹ Aleoko maka ny toeran'ilay lehilahy, amin'ny fotoana rehetra, toy izay miezaka hitsikera na handrava an'izay atsangan'ny olon-kafa, na dia izy ireo aza—nanao fahadisoana

na nanao zavatra tsy nety izy ireo. Noho izany tsy maintsy mitandrina isika, mitaona an'ireo hafa isika eo amin'izay ataontsika.

⁸² Ary rehefa voan'io habokana io ity lehilahy ity, rehefa lasa nisandratra tao amin'ny avonavona izy, dia lesona lehibe iray ho an'io mpaminany tanora io izany. Hitany, tamin'ny maha-lesona lehibe iray ho azy an'io, fa Andriamanitra no mandahatra ny Olony ho eo amin'ilay toerana. Hitanareo? Tsy afaka mandahatra ny tenany ny olona. Andriamanitra no mandahatra ny Olony. Andriamanitra no manao anareo amin'izay maha-izy anareo. Hitanareo? Ary Andriamanitra no mandahatra ny Olony, ka tsy tokony hiezaka haka ny toeran'ny hafa izy. Ary lesona iray ho an'i Isaia izany, hoe tsy tokony hametraka ny masonry eo amin'ny olombelona ho ohatra iray izy. Tsy maintsy mametraka ny masonry eo amin'Andriamanitra izy.

⁸³ Isika izany ankehitriny. Ny olona rehetra, ny olona rehetra dia iharan'ny fahadisoana. Iharan'ny fahadisoana izy satria olombelona. Iharan'ny fandikana an'ireo lalàn'Andriamanitra izy. Ary iharan'ny zavatra maro izy, satria maka fanahy azy i Satana, ary olombelona fotsiny izy. Ary raha mba nanangana ny Tànany Andriamanitra, dia ho lavo izy. Izay ihany.

Ary nandre olona aho nanao hoe, “Oh, tsy afaka manao an'izany i Satana.”

⁸⁴ Eny, avelao hanangana ny Tànany indray mandeha fotsiny Andriamanitra, dia diniho izay mitranga. Ilay izy dia ny... Miangavy tsy ankitsahatra aho hoe, “Andriamanitra, aza maniraka azy. Mamindrà fo amiko. Ampanalaviro ahy izy,” hitanareo. Izaho—mila ny famindrampon'Andriamanitra aho. Ary mila an'izany isika rehetra.

⁸⁵ Ankehitriny dia hitantsika fa, Isaia, dia niankina mafy teo an-tsandrini'lay mpanjaka tsara izy, ary ankehitriny dia nesorina taminy ilay sandry; ka maty ny mpanjaka, ary maty niaraka tamin'ny habokana, tamin'ny henatra. Ankehitriny, Isaia... Nandritr'ity fotoana ity, rehefa nisandratra ilay mpanjaka, eny, tamin'izay fotoana izay dia ny zananilahy tanora no tokony haka ny toerana. Ary hitantsika fa—fa ny vahoaka dia niditra tao amin'ny—ny dingan'ny faharatsiam-pitondran-tena mahatsiravina iray.

⁸⁶ Rehefa tsy misy mpitarika tena masina, amin'izay fotoana izay no manomboka midittra ao amin'ny faharatsiam-pitondran-tena ny vahoaka. Heveriko fa izany no olana amintsika amin'izao andro izao, ao amin'ny firenentsika, ao amin'ireo fiangonantsika, sy ny sisa. Mila mpitarika masina isika, olona iray izay manome ohatra.

⁸⁷ Ary, fa Navelany ho fantatr'i Isaia eto fa tsy afaka niankina tamin'ny olona izy. Noho izany Isaia, indray andro, raha nirenireny teo izy, dia tsy maintsy ho reraka tanteraka, satria

fantany fa manana andraikitra lehibe izy, dia nidina nankany an-tempoly izy mba hivavaka. Ankehitriny dia izany no zavatra tsara hatao, ho antsika rehetra. Midina mankany an-tempoly mba hivavaka.

⁸⁸ Ary mahamarika isika rehefa nivavaka teo amin'ny alitara izy, tampoka teo, satria mpaminany iray, dia niditra tao amin'ny fahitana iray izy. Ary, rehefa niditra izy, dia niandrandra ka nahita an'Andriamanitra, ilay Mpanjaka, nipetraka teny amin'ny avo, nasandratra, teo amin'ny Seza fiandrianany, ary ny Ebaneban'akanjony nameno an'ilay toerana, hitanareo. Tamin'izay fotoana izay dia nahita tena ohatra iray izy. Hitany ilay Anankiray izay azony ametrahana ny fitokisany, izay tsy ho voan'ny habokana mihitsy, Anankiray izay tsy mety diso mihitsy. Amin'ny teny hafa, dia nilaza tamin'i Isaia Izy hoe, "Hitanao, nametraka ny fanantenanao tamin'ny olona iray ianao, fa tsy nahomby izany. Ianao nametraka ny... niantehitra tamin'io lehilahy io ho ohatra iray, fa—fa tsy nahomby izy. Ankehitriny miandrindrà Eto, aty Amiko, Izaho no Andriamanitra tsy mety diso."

⁸⁹ Ary izaho—heveriko fa izany no tokony hataantsika androany, amin'ny maha-Mpanompony, dia tokony hiantehitra Aminy. Jesosy no ohatra ho antsika. Ary tsy maintsy mijery Azy isika, ilay Mpanao sy Mpanefa ny finoantsika.

⁹⁰ Ankehitriny dia hitantsika, amin'ity fahitana ity, fa nahita an'Andriamanitra nasandratra avo teo amin'ny seza fiandrianana iray izy. Avy eo dia nahamarika zavatra iray hafa izy. Mariho, nanodidina Azy dia nisy, ary tao amin'ny tempoly izay nisy Azy, dia nisy an'ireo Serafima an'ny Lanitra ireo.

⁹¹ Raha mandinika an'io teny io ianareo, dia heveriko fa saiky indray mandeha na indroa ihany no nampiasana azy ao amin'ny Baiboly. Ary izany dia—izany dia tsy Kerobima, fa manaraka an'ireo Kerobima izany. Zavatra tahaka ny Vatan'Anjely; kanefa tsy Anjely iray izany, ary Anjely iray izany, saingy Olona manokana. Inona Izy ireo, mpandoro fanatitra Izy ireo, ao amin'ny Baiboly. Ary eo amin'izay misy ny fanatitra, mazava ho azy, mampiditra na mitondra any amin'ny... manao lâlana iray ho an'ny mpanota, mankany amin'ny fahamasinana. Ary ireo Serafima ireo dia nandoro an'ilay fanatitra izay notakiana, Izy ireo—Izy ireo no nandeha nankeo amin'ny... Izany no andraikit'Izy ireo.

⁹² Ary indro Izy ireo, nanidina nanerana ny tempoly raha mbola tao amin'ny fahitana i Isaia, ary lasa feno setroka ny tempoly manontolo. Ary niantsoantso Izy ireo, ny Iray tamin'ny Hafa hoe, "Masina, masina, masina, ny Tompo Andriamanitra Tsitoha! Masina, masina, masina!" Oh, amin'ny teny hafa, "Misy Zavatra tsy mety lavo. Io ny ohatrareo. Misy ny Mpanjaka hianteherana. Masina, masina, masina, ny Tompo Andriamanitra Tsitoha!"

⁹³ Ary hitantsika ankehitriny fa zava-boahary manana elatra enina izy ireo. Ary ankehitriny isika dia hianatra ny anton'ny ananana elatra enina. Izy ireo dia nanana, hitantsika, Izy ireo dia nanana roa teo amin'ny Tavany, roa teo amin'ny Tongony, ary nanidina niaraka tamin'ny elatra roa.

⁹⁴ Ankehitriny mariho, voalohany, fa ireo zava-boahary ireo dia nanompo teo amin'ny Fanatrehan'Andriamanitra. Ary izany no andraikin'Izy ireo, niantsoantso hoe, "Masina, masina, masina, ny Tompo Andriamanitra Tsitoha!" Ary niantsoantso Izy ireo, andro aman'alina, teo amin'Ny Fanatrehany, raha mipetraka eo ilay fanatitra. "Masina, masina, masina, ny Tompo Andriamanitra Tsitoha!"

⁹⁵ Ary tiako ianareo hanamarika zavatra eto, ka hieritreritra. Ireo Serafima ireo dia nanana elatra roa teo amin'ny Tavany. Nahoana Izy ireo no nametraka azy ireo teo amin'ny Tavany? Satria teo amin'ny Fanatrehan'Andriamanitra Izy ireo. Ary eritrereto fotsiny, raha tsy mantsy manarona ny Tavany ireo Anjely masina ireo, eo amin'Ny Fanatrehany, dia ahoana ny amintsika? Manana elatra eo amin'ny Tavany, maneho fanajana.

⁹⁶ Fa, amin'izao andro izao, dia hitantsika fa tsy misy ny fanajana. Zara raha afaka mahita fanajana ianareo. Tsy manaja an'Andriamanitra izy ireo. Mitsangana izy ireo ary mihira ny Andriamanitra *Anie Hitahy An'I Amerika*, miaraka amin'ny tongony eo amin'ny bara. Ary mahatsiravina izany, ny fomba ataon'izy ireo.

⁹⁷ Nandeha nitady mofo misy hena iray aho, androany, tao amin'ny—amin'ny toerana iray. Ary ilay ramatoa kely, tsy manao fanamarihana mikasika azy, fa nihevitra aho fa teo am-pahafatesana izy. Toy ny hoe mangana izy teo ambanin'ny masonry, nanana mangamanga manodidina azy rehetra. Ary—ary nihazakazaka izy, niaraka tamin'ny akanjo vitsivitsy fotsiny, ka hoy izy hoe, "Inona no halainao?"

⁹⁸ Hoy aho hoe, "Hitondra mofo misy hena iray ho ahy ve ianao sy—sy—sy—sy—sy ronono nokapohina iray vera?"

Ary hoy izy hoe, "Bourbon" eo amin'ny zavatra iray, karazany.

⁹⁹ Hoy aho hoe, "Tsia, madama. Tsy azonao tsara aho." Hoy aho hoe, "Hoy aho, 'ronono nokapohina.'"

Dia hoy izy hoe, "Oh," hoy izy, "tsy haka zavatra hosotroina ve ianao?"

Hoy aho hoe, "Mila ronono nokapohina aho."

¹⁰⁰ Dia hoy izy hoe, "Eny, izay ihany ve ny anao, ianao ve tsy mila . . . Amin'ny hariva izahay dia mandroso an'izao-sy-izao."

Hoy aho hoe, "Mpitoriteny iray aho."

¹⁰¹ Hoy izy hoe, “Eny, ny . . . Eny, ireo pretranay Katolika dia tonga eto ary misotro.”

¹⁰² Hoy aho hoe, “Izaho—tsy pretra Katolika aho, ramatoa. Izaho—izaho mila . . . Mila ronono nokapohina iray vera aho.” Toy ny hoe nanaitra an’ilay vehivavy izany. Tsy fantany hoe inona izany. Hitanareo?

¹⁰³ Ary izao tontolo izao dia tonga amin’ny toerana tahaka an’izany. Ankehitriny raha miditra ny mpisorona iray ka misotro, dia manana zò hisotro ny fiangonana; io no ohatrareo, hitanareo. Oh, oadray, fahalòvana iray toy ny inona no iainantsika! Mila fanadiovan-trano isika, manomboka any amin’ny polipitra ka hatrany amin’ny . . . Hia. Eny, tompoko, mila tokoa isika. Toy ny ahoana ny fahalòvan’izao tontolo izao!

¹⁰⁴ Ary ireo, tsy manana fanajana, tsy misy fanajana! Ny olona amin’izao andro izao, tsy manaja an’Andriamanitra izy ireo. Tsy manana fanajana izy ireo. Manonona foana Ny Anarany izy ireo, sy manao vazivazy maloto. Ary—ary na ireo mpitoriteny aza dia manao an’izany. Mandre va—vazivazy iray ianareo, ataoko fa ho mety tsara. Saingy ireo mpitoriteny dia tokony ho ohatra, neveriko, ny amin’ny—ny fahamarinana sy ny fahamasinana. Ary izany no antony iheverako angamba hoe isika—tsy lasa lavitra kokoa noho izay misy antsika isika; isika tsy, tsy tonga eo amin’ity, ny fahatsoram-po izay tokony ananantsika ao amin’izany. Rehefa manao hadalana ianareo, ary manohy, dia verinareo io voa kelin’ny fahatsoram-po io, fantatrareo. Misy zavatra mikasika an’izany.

¹⁰⁵ Tokony ho tsaroanareo fa mandinika anareo Andriamanitra, isan’ora. Mandinika anareo Izy rehefa matory ianareo. Ankehitriny, neveriko fa ny antony anaovan’ny olona an’ireo zavatra ireo dia satria izy ireo—izy ireo—izy ireo—izy ireo—tsy tonga saina amin’Ny Fanatrehany izy ireo, hitanareo. Kanefa eo Izy, na mihevitra ianareo fa eo Izy na tsia. Hitany ny toetra tsirairay izay ataonareo, sy ny tsirairay—ny fihetsika tsirairay ataonareo. Fantany ny rehetra mikasika an’izany. Fa tokony hahalala an’izany isika.

¹⁰⁶ Nanana hira kely iray izahay taloha, raha tonga voalohany teo anivon’ireo Pentekotista aho, nihira izy ireo hoe:

Teny an-dàlana ho any amin’ilay tena Fonenana
marin’ny fanahy,
Misy Maso iray mandinika anao;
Ny dingana tsirairay ataonao, dia mifoha io Maso
lehibe io,
Misy Maso iray mandinika anao.

Hitanareo? Tsaroanareo ve ilay hira? [Hoy ny fiangonana hoe, “Eny.”—Mpand.] Ankehitriny dia marina izany.

¹⁰⁷ Ny fanatrehan’Andriamanitra mandrakariva dia mahafantatra an’izany ataonareo, ary na dia ireo eritreritrareo

aza. Indray mandeha raha tao anatin'ny fahitana iray aho, dia niresa tamin'ny Vatana iray nitsangana teo akaikiko; dia namaly Izy, hoy Izy hoe, "Ny eritreritrap dia miteny mafy kokoa any An-danitra noho ny feonao ety an-tany." Fantany izay eritreretinareo. Mety hiteny ianareo hoe ianareo—manao an'ity ianareo, ary manao an'itsy ianareo, ary, fa, hitanareo, ao amponareo ao, raha mieritreritra hafa ianareo, ianareo dia—manao zavatra tsy mety ianareo. Tokony ho izay maha-izy anareo fotsiny ianareo, hitanareo. Ny—ny fo, ny vava dia tokony hiteny an'izay ao am-po. Hitanareo? Ary noho izany dia hitantsika fa tsy fantasy ny olona ny—ny Fanatrehan'Andriamanitra.

¹⁰⁸ Fantatrareo, tokony hitovy amin'i Davida izy ireo, ilay lehilahy izay araka ny fon'Andriamanitra Manokana. Hoy izy hoe, "Eo anatrehako mandrakariva ny Tompo." Na aiza na aiza alehany, dia tsaroany fa eo anatrehany mandrakariva Andriamanitra. "Eo ankavanako Izzy, ka tsy hangozohozo aho," satria eo ankavanany Andriamanitra.

¹⁰⁹ Fanajana! Tokony hifalone haja isika, hifanaja, amin'ny maha-mpirahalahy, mpirahavavy. Ary mifankatiava, amin'ny fitiavana tsy mety maty. Hoy ianareo hoe, "Eny, tsy afaka fotsiny aho." Eny, mijanôna elaela kely *eto* fotsiny, ary avy eo ianareo dia ho tia ny olona, ihany koa. Ho tianareo ireo izay tsy tia anareo. Tena marika tsara iray an'ny Kristianisma marina tokoa izany: rehefa afaka ianareo, avy amin'ny fonareo, mitia an'ireo izay tsy tia anareo. Tia an'ilay tsy azo tiavina.

¹¹⁰ Hoy Jesosy hoe, "Raha manao soa ho an'ireo izay manao soa ho anareo fotsiny ianareo, eny, ireo mpamory hetra dia manao an'ilay zavatra iray ihany." Fa, hitanareo, tsy maintsy ho tsara fanahy amin'ireo izay ratsy fanahy aminareo ianareo. Manaova soa ho an'ireo izay manisy ratsy anareo. Tsarovy isan'andro izany. Hazony eo anatrehanareo izany, hoe mandinika anareo Andriamanitra. Tsarovy, efa tsara taminareo Andriamanitra fony ianareo nanao ratsy Azy. "Fony mbola mpanota ianareo, dia maty ho anareo Kristy."

¹¹¹ Ankehitriny dia hitantsika, fa, ireo elatra teo amin'ny tavan'Izy ireo dia satria teo amin'ny Fanatrehan'Andriamanitra Izy ireo, nanaja. Ary raha Serafima masina iray no tsy maintsy manafina ny Tavany ao ambadiky ny fisaronana manokana, ilay Anankiray izay tsy mahalala fahotana, tsy nanota mihitsy, kanefa eo amin'ny Fanatrehan'ilay Andriamanitra Masina dia tsy maintsy manafina ny Tavany masina eo amin'ny Fanatrehan'Andriamanitra, dia inona no hataon'ny mpihatsaravelatsihy iray amin'izany Andro izany? Inona no hataon'ilay mpiverin-dàlana amin'izany Andro izany? Inona no hataon'ilay ratsy fanahy amin'izany Andro izany, rehefa tonga ianareo? Ary tsy maintsy hanatrika Azy ianareo.

¹¹² Zavatra anankiray ihany no misy. Hoy ianareo hoe,

“Fa tsy nanamboatra elatra hanaronana ny tavako mihitsy Izzy.” Fa nandatsaka ny Ràn’Ny Zanany Manokana Izzy, mba ahafahanareo manarona ny tavanareo. Marina izany. Izany no Fanaronany tokana izay Ananany ho an’ny taranak’olombelona, dia ny Ràn’i Jesosy Kristy.

¹¹³ Ankehitriny, faharoa, nanana ny Tongony voarakotry ny elatra Izzy ireo, teo ambanin’ny tongony. Ankehitriny dia naneho ny fanetre-tena izany. Oh, misy teny iray very amin’izao andro izao, ho an’ny olona maro. Fanetre-tena eo amin’Ny Fanatrehany. Aetreho ny tenanareo eo amin’Ny Fanatrehany.

¹¹⁴ Nahita ny Fanahy Masina niditra tao amin’ilay efitra aho ary—ary manatanteraka sy manao marina tokoa an’ireo zavatra izay nolazain’ny Baiboly fa Hataony, mamantatra, ary nahita ny olona nitsangana sy nivoaka aho. Nahita ny olona nipetraka sy nireshaka aho, ary nihomehy sy naneso an’Izany, raha mbola niseho izany.

¹¹⁵ Tsaroako indray hariva, nisy mpitoriteny iray nitondra valo amby roapolotamin’ny fiangonany, ary nipetraka. Tany Jonesboro izany, Arkansas.

¹¹⁶ Ary nanana zazalahy iray voan’ny androbe izy ireo, trattray ny androbe izy. Ary devoly iray izany. Devoly iray izany. Izany ilay izy. Izzy ireo tsy, tsy fantatr’ireo dokotera hoe inona no ataon’izany. Izany dia ny—devoly iray izany. Ary izy ireo dia nametraka ny...nanana paingo-damba iray niaraka tamin’ny—ny—vorodamba iray narakotra nanodidina azy; rehefa tratran’ireo famelezana ireo izy, dia nampidirin’izy ireo tao am-bavan’ilay zazalahy izany, satria nitsako ny lelany tahaka an’izany izy. Dia nentin’izy ireo ilay zazalahy, ary—ary tratran’io famelezana io teo amin’ny lampihazo mihitsy izy. Mazava ho azy, rehefa tratran’ilay fahataitairana kely izy ireo, dia hiditra amin’ny anankiray. Noho izany raha mbola niomana hivavaka ho an’ilay zazalahy izahay, dia hoy aho hoe, “Hanondrika ny lohany ao amin’ny fanajana ve ny olona rehetra?” Ary izaho—nivavaka ho azy aho, ary ilay—tsy niala tamin’ilay zazalahy ilay fanahy.

¹¹⁷ Ary njery manodidina aho, ka nahita vondrona kely iray nipetraka teo amin’ny toerana iray. Hoy aho hoe, “Hanondrika ny lohanareo ve ianareo?” Hoy aho hoe, “Tsy maintsy mankatô ianareo.” Hoy aho hoe, “Izany ilay fanirahana hoe, ‘Raha manao ny olona hino anao ianao, ary avy eo dia tso-po rehefa mivavaka.’” Hoy aho hoe, “Hanondrika ny lohanareo ve ianareo?” Nihomehy ahy fotsiny io lehilahy io.

¹¹⁸ Ary noho izany dia nitodika aho, fa, ity, tsy niala tamin’ilay zazalahy izany. Ary ankehitriny dia olona an-jatony izany, indimy amin’izay mipetraka eto izao hariva izao, no nipetraka tany, eny, betsaka. Nilaza izy ireo fa nisy olona valo arivo

sy roa alina tany. Noho izany—noho izany dia nisy—nisy, izy rehetra dia . . .

¹¹⁹ Ary noho izany hoy aho hoe, “Izaho—tsy te-hanao an’izany aho, tompoko.” Ary izy dia nikambana tamin’ny—fiangonana anaram-piangonana iray izay nihomehy fotsiny ny fanasitranana avy amin’Andriamanitra, tsy mino fa misy izany karazan-javatra izany.

¹²⁰ Noho izany dia njery manodidina aho, io zazalahy mampalahelo io, ny tendany nivoaka, ny reniny niezaka nihazona azy niantsoantso tahaka an’izao, ary ilay zazalahy niezaka hitelina, dia nanohy.

¹²¹ Hoy aho hoe, “Ray any An-danitra, aza avela hijaly nohon’ny amin’io vondrona meloka io ity zazalahy tsy manan-tsiny ity, hitanareo.” Hoy aho hoe, “Izany No—No Teninao, ary izaho—efa nahitsy fo aho ka niteny tamin’izy ireo. Ary maro be tamin’ireo voan’ny androbe no sitrana teto tamin’ny fivoriana.” Hoy aho hoe, “Aza avela hijaly ity zazalahy tsy manan-tsiny ity. Ny reniny sy rainy no nitondra azy teto. Mangataka famindrampo aho.”

¹²² Noho izany dia nitodika aho, hoy aho hoe, “Amin’ny Anaran’i Tompo Jesosy, amin’ny finoana, nohon’ny fanirahako nomen’Andriamanitra Tsitoha ahy, dia tsy afaka mihazona an’ity zazalahy ity io devoly io. Afaka ianao, hitanareo. Raha tsy hankatò ny tsy mankatò, amin’izay fotoana izay dia afaka ianao handeha hankany amin’izy ireo, fa mivoaha amin’io zazalahy io.”

¹²³ Ary nahita olona valo amby roapolo aho, niaraka tamin’ny pasiterany, nianjera tamin’ny androbe, nihodina mihitsy sy nihodina, ary nihodina sy nihodina, teo amin’ny tany tahaka an’izany. Ary araka ny fantatro, dia mbola manana an’izany foana izy ireo, hitanareo.

¹²⁴ Ankehitriny, hitanareo, tsy tokony ho tsy manaja ianareo. Tsy maintsy manetry ny tenanareo ianareo. Firy aminareo no efa tao amin’ny fivoriana ka nahita an’ireo zavatra mitovy amin’izany tao amin’ireo fivoriako? Izao fotsiny . . . Nahoana, hitanareo? Azo antoka. Eny tompoko.

¹²⁵ Indray mandeha dia nitondra lehilahy iray izy ireo hampiasa herin’ny maso tamiko. Ataoko fa maro aminareo no mahatsiaro an’izany. Ary izy ireo—nitondra azy nankany amin’ny toby miaramila izy ireo, ary—ary naka an’ireo miaramila ireo ka nampiasa herin’ny maso tamin’izy ireo, nanao azy ireo hivovo tahaka ny alika. Ary nandeha izy ireo mba haneso ahy. Noho izany dia tao amin’ny efitra malalaka iray aho, ary nentin’izy ireo io lehilahy io. Ary—ary tsapako, rehefa nanomboka ilay laharam-bavaka, fa nisy fanahy ratsy tany ho any.

¹²⁶ Afaka mahazo azy ireo foana ianareo ary izany fisalasalana izany. Mihevitra izy ireo fa ianareo dia tsy... Ilay izy dia... Afaka mahatsapa an'izany ianareo, hafa ilay izy.

¹²⁷ Noho izany dia afaka niteny aho hoe taiza ilay izy, saingy tsy afaka nahita fotsiny aho hoe taiza fotsiny ilay lehilahy. Afaka kelikely, dia hitako ilay izy ary hitako hoe inona izany. Nandinika an'io aizina nihantona teo amboniny io aho. Ary tsy te-hilaza an'izany aho, fa nitodika tany aminy fotsiny, nanao hoe, "Ry zanaky ny devoly," hitanareo, "nahoana ny devoly no nampiditra tao an-tsainao mba hanao an'izany? Satria nanao an'izany izy," nisy Zavatra nilaza an'izany tao anatiko, "dia hitondra anao hivoaka eto izy irec." Ary mbola malemy foana izy. Hitanareo?

Taratasy aorian'ny taratasy hoe, "Manatôna azy!"

¹²⁸ Hoy aho hoe, "Ny zavatra tokana fantattro, dia mibebaha. Hitanareo, tsy nanao an'izany mihitsy aho. Izany dia ny tsy fanajanareo teo anatrehan'Andriamanitra." Hitanareo? Aza manao an'izany ankehitriny. Isika dia...

¹²⁹ Tonga ny fotoana izay iheveran'ny olona fa izany fahamasinana eo anatrehan'Andriamanitra izany dia karazana fanesoana iray fotsiny, na karazana a—andian'olona izay tsy mahafantatra, karazana fombam-pivavahana iray na antoko iray, na zavatra iray. Fa avelao aho hanome antoka anareo, rahalahy! Mety hisy fanesoana betsaka. Izaho—tsy milaza aho hoe tsy misy; izaho—izaho—tsy afaka milaza an'izany aho. Olona iray fotsiny aho. Tsy mitsara aho. Mitory teny fotsiny aho. Fa misy ny Fanahy Masina iray tena izy, Hery apostolika tena izy an'ny Fanahy Masina. Ary any amin'ireo firenena any ivelany, ary mitsangana ireo mpampianatra mpamosavy sy ny sisa, ireo devoly ireo, mba hihaika. Oh, raha isika fotsiny no... Hanapaka ny lohahevitra aho eto, mba hiteny aminareo mikasika an'ireo zavatra ireo. Ary inona? Ny Fanahy Masina, tsy mbola nahita Azy tsy nahomby tamin'ny fanaovana an'izany mihitsy aho. Hanao an'izany foana Izy.

¹³⁰ Mariho ankehitriny, izy ireo dia nametraka, nanana elatra teo amin'ny tongony ho an'ny fanetre-tena. Isika tsy tia mampiondrika ny tenantsika. Te-hihevitra isika fa olona iray isika.

¹³¹ Tsaroako teto vao tsy ela akory izay, tao amin'ny tranombakoka kely iray aho, ary—ary izy ireo nanana ny—ny fanadihadiana momba ny lehilahy iray milanja dimampolo amby zato livatra, ny teti-bidin'ny vatany ao amin'ireo singa simika. Mino aho ilay izy dia efatra amby valopolo cents, lehilahy iray milanja dimampolo amby zato livatra, ny—ny singa simikan'ny vatany. Nanana kalsioma vitsivitsy izy, ary ra—ranon-tsokay kely ampy hamafazana akanin'akoho iray angamba, sy ny sisa. Saiky izany fotsiny ihany no—no nananany tao aminy,

milanja efatra amby valopolo amby zato livatra...na efatra amby valopolo cents no tiako lazaina, milanja dimampolo amby zato livatra.

¹³² Nisy lehilahy tanora roa nitsangana teo, njery an'izany. Ary nitsangana taorian'izy ireo mihitsy aho, raha nilaza ny anankiray tamin'izy ireo hoe, "Eny," hoy izy, "John, tsy mitentina be loatra isika raha izany, sa tsy izany?" Dia hoy izy hoe, "Heveriko fa tsy manana isika."

¹³³ Dia hoy aho hoe, "Eny, ry tovolahy, marina izany, hitanareo, tsy mitentina be loatra ianareo amin'ny singa simika. Saingy manana fanahy iray ianareo ao anatinareo, hitanareo, izany dia mitentina izao tontolo izao tontolo iray tapitrisa, hitanareo." Marina izany. Hitanareo?

¹³⁴ Kanefa isika—tantsika ny mikarakara, mirehareha amin'io efatra amby valopolo cents io isika, mamono an'izany ao anatin'ny palitao vison dimanjato dolara, ary—ary mampakatratra ny orontsika eny amin'ny rivotra, ka mihevitra fa isika dia—manao zavatra isika. Tsy manao fanahy iniana mivazivazy aho, tsy hivazivaziana izao, izao—izao dia miteny aminareo fotsiny hoe inona isika. Hitanareo, isika dia—isika dia—isika dia...

¹³⁵ Tsy manana ny fanetre-tena isika. Tsy tantsika izany, ary tsy tian'ny olona. Matetika ianareo dia mandeha any amin'ny olona tena tsara akanjo ao am-piangonana, izy ireo—hiditra izy ireo; ary raha tsy miakanjo tsara mihitsy ianareo, dia hijery anareo izy ireo ary hiresaka, fantatrareo. Ary izany no manao ny azy... Tsy tokony hanao an'izany izy ireo, nefo milaza ny Kristianisma. Izaho—izaho—heveriko fa filazana fotsiny ilay izy fa tsy fananana. Satria mino aho fa ny—ny tena fahatsapana iray an'ny andro fahiny miaraka amin'Andriamanitra dia hanao ny palitao tuxedo iray hametraka ny sandriny manodidina ny akanjo fitondra miasa iray, ka hanao hoe, "rahalahy." Izaho—mino an'izany marina tokoa aho. Marina izany. Akanjo calico iray amin'ny landy iray, hiantso hoe, "rahavavy." Eny, tompoko. Satria, ilay izy dia tsy ireo akanjo, ilay izy dia tsy ilay olona. Ilay izy dia Kristy, izay ao anaty, ary tokony hanetry ny tenantsika isika.

¹³⁶ Ankehitriny dia hitantsika fa, izany dia, nanarona ny Tongony ireo Anjely ireo, na ireo Serafima ireo.

¹³⁷ Mosesy, rehefa teo amin'ny Fanatrehan'Andriamanitra izy, izany, diniho izy eo akaikin'io Andry Afo izay niverina tao ambadik'io roimemy nirehitra io, izay nitenenan'ny Tompo. Ary ny olona rehetra dia mahafantatra fa ny Andry Afo dia Kristy, Izy no Anjelin'ny Fanekena. "Nandao an'i Egypta i Mosesy, ary nanao ny fanaratsiana an'i Kristy ho harena lehibe kokoa noho ny an'i Egypta." Noho izany, dia Izany no ilay Anjelin'ny Fanekena. Ary rehefa niseho teo amin'ilay roimemy nirehitra teo amin'ny ilany Izy, nahoana, teo anoloan'i Mosesy, ary hoy ilay

Feo hoe, "Esory ny kiraronao." Ny tongotrao, hitanareo. "Esory ny kiraronao, fa masina ny tany izay itsangananao." Nanetry ny tenany i Mosesy, tamin'ny fanesorana ny kirarony.

¹³⁸ Io Andry Afo iray ihany io no niseho tamin'i Paoly teo amin'ny lèlana mankany Damaskosy, indray andro.

¹³⁹ Tsaroanareo, Jesosy, rehefa teto an-tany Izy... Nilaza izy ireo, indray andro dia nilaza izy ireo fa nisy... Ao amin'ny Masindahy Jaona 6, dia nisotro avy tamin'ilay loharano izy ireo, ary nifaly. Dia hoy Izy hoe, "Izaho—Izaho io Rano izay avy tamin'io Vatolampy io. Izaho no Mofon'Aina izay avy any Andanitra," hitanareo, tahaka an'izany.

¹⁴⁰ Tsy nety nino an'izany izy ireo. Hoy izy ireo hoe, "Nahoana, eto! Fantatray fa manana devoly Ianao, ary very saina Ianao," izany dia midika hoe *adala*. "Satria, tsy mihoatra ny dimampolo taona Ianao, nefá Ianao dia milaza fa efa nahita an'i Abrahama Ianao?"

Hoy Izy hoe, "Talohan'ny nisian'i Abrahama, dia IZAHO NO IZY. Hia, IZAHO NO IZY."

¹⁴¹ Mahita isika ankehitriny fa, fa hoy Jesosy hoe, "Avy amin'Andriamanitra Aho. Mankany amin'Andriamanitra Aho." Rehefa tonga nofo ity Andry Afo ity, Andriamanitra avy amin'ny maha-Ray, [Elanelana tsy voaraki-peo—Mpand]... Maha-Zanaka, ary rehefa tonga tao amin'io toetra io Izy. Ireo toetra telo; Ray, Zanaka, ary Fanahy Masina. Rehefa lasa voaseho tao amin'ny nofo Andriamanitra, dia hoy Izy hoe, "Avy amin'Andriamanitra Aho. Ary mankany amin'Andriamanitra Aho," dia niakatra Izy.

¹⁴² Ary—ary Saoly avy any Tarsisy, teny amin'ny lèlany nankany Damaskosy, dia nazeran'ny Hazavana iray izy. Ary rehefa nianjera izy, dia niandrandra. Ary tsy niantso na inona na inona ho "Tompo" mihitsy io Jiosy io raha tsy io Andry Afo io Izany. Hitany io Hazavana io teo, ka hoy izy hoe, "Tompo, Iza moa Ianao?"

Hoy Izy hoe, "Saoly, sarotra aminao ny hanipaka an'ireo fanindronana."

Dia hoy izy hoe, "Iza moa Ianao, Tompo?"

Hoy Izy hoe, "Izaho no Jesosy." Hitanareo, ilay Andry Afo indray.

¹⁴³ Jereo i Saoly, nanetry ny tenany tao amin'ny loto, hitanareo, teo amin'ny Fanatrehan'Andriamanitra. Fanetre-tena! Nianjera tamin'ny tongony, nandry tamin'ny lamosiny angamba, niandrandra.

¹⁴⁴ Ary io Andry Afo nihodinkodina teo io, dia hitany sy fantany, amin'ny maha-mpampianatra iray avy teo ambanin'i Gamaliela, ilay mpampianatra malaza an'izany andro izany, fantany fa Andriamanitra dia nitarika ny Olony tao amin'ny endrika Andry

Afo iray. Ary io Afo io, Andry Afo, dia tonga nofo ka nonina teo anivon'izy ireo, ary nohomboana nohon'ny fahotan'izy ireo, "ary avy amin'Andriamanitra Aho; ary miverina mankany amin'Andriamanitra," ary teo Izy, mbola tamin'ny Anaran'ny Tompo Jesosy foana.

¹⁴⁵ Ary avy eo dia hitantsika àry ao amin'izany, taty aorianana talohan'izany mihitsy, Jaona Mpanao-batisa, ilay lehibe indrindra amin'ireo mpaminany rehetra. Ireo mpaminany rehetra dia niresaka fa ho avy Izy; hoy i Jaona hoe, "Io Izy." Izy-izy no nampahafantatra Azy tamin'izao tontolo izao. Ary nitsangana tao anatin'ny rano i Jaona, rehefa nanao batisa izy, ary izy-hoy izy hoe, "Ho avy ny fotoana izay hanesorana ny fanatitra isan'andro hiala ao amin'ny tempoly, ka hisy Lehilahy iray ho fanatitra iray." Ary nanana antoka i Jaona fa hahita ny Mesia izy.

¹⁴⁶ Hitanareo, rehefa nantsoina i Jaona, dia mpisorona iray ny rainy. Fa matetika ny zazalahy iray dia nanaraka, tamin'izany andro izany, ary mbola manaraka any Atsinanana, ny asan'ny rainy. Ary raha ny mahazatra dia ho mpisorona iray izy. Fa tsy nandeha tany amin'ilay sekoly mihitsy i Jaona. Satria, Jaona dia teraka, hatrany an-kibon-dreniny, "feno ny Fanahy Masina."

¹⁴⁷ Rehefa, nitoe-jaza i Elizabeta dia maty tao an-kibony ilay zazakely. Rehefa namangy an'i Maria ilay Anjely, Gabriela, ka niteny taminy fa i Elizabeta rahavaviny, izay efa nihoaatra ny fotoana ahafaha-miteraka, dia hitoe-jaza ihany koa. Ary nihazakazaka hitsena azy i Maria. Dia niafina izy, ary nanahy izy satria tsy nihetsika nandritry ny enim-bolana ilay zaza, ary tsy ara-dalàna izany. Ary noho izany dia nahita an'i Maria tonga izy, nihazakazaka nivoaka izy ka nitsena azy, ary namihina azy. Ary nilaza izy, nanomboka miteny. Ary—ary hoy izy hoe, "Fantattro fa ho reny izy." Hoy izy hoe, "Eny, ary izaho—izaho dia ho reny, ihany koa."

"Oh, ataoko fa nivady ianao sy Josefa."

"Tsia, tsia. Tsy mbola nivady izahay."

"Nefa ho reny ve ianao?"

¹⁴⁸ "Hia. Ny Fanahy Masina no nanaloka ahy, ka nilaza fa io Zavatra Masina io izay ho teraka avy amiko, ato anatiko, dia ho ny Zanak'Andriamanitra, ary izaho hiantso Ny Anaranay hoe 'Jesosy.'"

¹⁴⁹ Ary vantany vao voateny voalohany io Teny "Jesosy" io avy teo amin'ny molotr'olombelona iray, dia zazakely iray izay tsy nanana aina tao anatiny mihitsy, tsy mbola, no nandray aina tao an-kibon-dreniny ary nanomboka nitsambikina nohon'ny hafaliana. Ary raha ny Anaran'i "Jesosy Kristy" no hitondra aina teo amin'ny zazakely maty iray, dia inona no tokony hataon'Izany amin'ny fiangonana iray nateraka indray izay milaza fa feno ny Fanahy Masina? Hitanareo?

¹⁵⁰ Ankehitriny dia tokony ho karazana zazalahy inona io? Izy no tokony hanambara ny Mesia ho avy. Nilaza ny Malakia 3 fa izy no hanambara. “Indro, Izaho maniraka ny Irako eo anoloan’ny Tavako.”

¹⁵¹ Ankehitriny, raha nandeha nankany amin’ny seminera izy, ny sasany tamin’ireo mpitoriteny tany ireo, dia nanao hoe, “Ankehitriny, ry Jaona, ianao no tsy maintsy manambara ny Mesia, nahoana, ianao—fantatrao fa Dadatoa Joe eto, na—na—na i Dada Jim, na ny sasany amin’izy ireo, fantatrao fa izy no mahafeno ny—ny—ny—ny fepetra rehetra ho Mesia, izy izany, ry Jaona,” izany—izany... hitanareo, ho efa voataonan’ny olona izy.

¹⁵² Nandeha tany an-efitra izy, ary nijanona niaraka tamin’Andriamanitra. Izany no seminera tsara indrindra izay fantatro. Satria, zava-dehibe loatra ny asany mba hitenenan’ny lehilahy sasany aminy, sy hitondra azy any amin’ireo resaka sosialy goavana. Hitanareo, izy dia nanana a—asa iray, nahataka ho an’ny zavatra iray izy. Ary fantatr’i Jaona izany rehefa nivoaka izy, nitory teny, hoe teto an-tany ny Mesia tamin’izany fotoana izany.

¹⁵³ Azo antoka mihitsy tahaka ny nahafantaran’ireo olon-kendry ireo, rehefa njery hatrany Babylona izy ireo ka nahita an’ireo kintana telo nilahatra, izany no famantarana fa efa teto an-tany ny Mesia. Izany no antony niantsoantsoan’izy ireo hoe, “Aiza Izy, teraka ho Mpanjakan’ny Jiosy?” Ary tsy nanana ny valiny ny fiangonana. Tsy manana an’izany izy ireo amin’izao andro izao. Ny Baiboly no manana an’izany. Ny Tenin’Andriamanitra no manana an’izany. Marina izany.

¹⁵⁴ Hitantsika, amin’ny rehetra, fa i Jaona no tsy maintsy nanambara ny Mesia. Ary izy dia nanana... Tamin’ny alàlan’ny famantarana iray ihany no ho nahafantarany an’io Mesia io. Tahaka an’izany no nahafantarany ny Mesia. Izany no fomba tokana hany ampahafantaran’Andriamanitra ny Tenany; amin’ny alàlan’ny famantarana ara-tSoratra iray. Dia nandinika izy. Nitsangana teo izy, hoy izy hoe... .

Hoy izy ireo hoe, “Ianao ve no Mesia?”

¹⁵⁵ Hoy izy hoe, “Tsia. Tsy mendrika ny hikasika ny Kirarony akory aza aho.” Hoy izy hoe, “Fa Izy no Anankiray... Misy Anankiray mitsangana eo anivonareo.”

¹⁵⁶ Oh, oadray, aza mihevitra fa taitaitra aho! Fantattro izay misy ahy. Tsia, fa tsapa ho tsara fotsiny ilay izy rehefa mieritreritra an’izany aho, hitanareo, “misy Anankiray eo anivonareo.” Ary milaza an’izany aho izao hariva izao. Misy Anankiray eo anivonareo, ny Fanahy Masina lehibe izay nampanantenaina fa harotsaka amin’ny andro farany. Mahita ny Famantarany tsy ankitsahattra aho, ary fantattro fa Izy no Mesia satria mbola manao an’ilay famantarana’ny Mesia foana Izy.

¹⁵⁷ Io Izy nitsangana teo anivon'izy ireo. Hoy izy hoe, "Misy Anankiray eo anivonareo. Tsy mendrika ny hikasika ny Kirarony aho, hamaha ny Kirarony. Izy no ilay Anankiray izay hanao batisa amin'ny Fanahy Masina sy ny Afo."

¹⁵⁸ Ary indray andro, tonga nandeha avy teo afovoan'izy ireo ny Lehilahy tsotra iray, nandroso. Niandranda i Jaona, ka hoy izy hoe, "Indro, io ny Zanak'ondrin'Andriamanitra izay manaisotra ny fahotan'izao tontolo izao." Ary rehefa nanao izy, dia nahita. Hoy izy hoe, "Nahafantatra Azy aho satria nisy famantarana iray nanaraka Azy." Ary jereo eto, nisy roa tamin'ireo lehilahy malaza indrindra teto an-tany, nitsangana nifanatrika. Jaona . . .

¹⁵⁹ Tsaroako i Dokotera Roy Davis, izay nanendry ahy tao amin'ny fiangonana Missionary Baptist, hoy izy hoe, "Fantatralo, izay nitranga teo, ry Billy," hoy izy, "izay nitranga . . ."

¹⁶⁰ Rehefa nilaza i Jaona hoe, "Izaho no mila Ataonao batisa, fa nahoana Ianao no manatona ahy?" Diniho ilay fanetre-tenan'i Jaona. Hoy izy hoe, "Izaho—Izaho no mila Ataonao batisa, nahoana Ianao no manatona ahy?" Teo ny Mesia sy ny Mpaminaniny, ireo lakile an'ilay andro, ireo lakile an'ny Baiboly, nitsangana teo, ny Anankiray njery an'ilay hafa. Jaona tao amin'ny fanetre-tena, nanao hoe, "Izaho no mila Ataonao batisa, nahoana Ianao no manatona ahy?"

¹⁶¹ Hoy Jesosy hoe, "Ekeo ihany aloha izao, fa izao no mety amintsika hahatanteraka ny fahamarinana rehetra." Ary, voalaza, fa namela Azy i Jaona.

¹⁶² Tsaroako i Dokotera Davis. Mety mipetraka manatrika izy. Dokotera Davis, tsy manipy an'ity any aminao, fa izaho—izaho—izaho . . . Hoy izy hoe, "Jaona, Jesosy aloha no nanao batisa an'i Jaona, satria tsy mbola natao batisa i Jaona." Ary avy eo dia hoy izy, "Avy eo i Jaona vao nanao batisa an'i Jesosy." Tsy nety tsara mihitsy izany ho ahy.

¹⁶³ Noho izany indray andro raha mbola akaiky ny Fanahy Masina, ary tao amin'ny fahitana iray, dia hitako hoe inona izany.

¹⁶⁴ Teo i Jaona sy Jesosy, nitsangana nifanatrika, ilay mpaminany izay nahatongavan'ny Teny. Ary tonga tamin'ilay mpaminany ny Teny. Amena. Ary hoy Izy hoe, "Ekeo ihany aloha izao. Marina ilay izy. Ekeo. Fa izao no mety amintsika hahatanteraka ny fahamarinana rehetra." Fantatrilay mpaminany fa io ilay Zanak'ondry, ary tsy maintsy sasana ilay Zanak'ondry alohan'ny hanolorana Azy. Amena. Noho izany dia nataony izany. Hitanareo ve izany? Ilay mpaminany, satria ny Teny, ary tonga taminy Izany.

[Miteny amin'ny fiteny tsy fantatra ny anabavy iray, mandika ny rahalahy iray—Mpand.] Amena.

¹⁶⁵ Jaona, ilay mpaminany, ny Teny dia tonga amin'ny Mpaminaniny, hitanareo, ary ny Teny dia tonga marina tokoa tamin'ilay mpaminany. "Izao no mety," izao no voalaza hoe *mety*, izay midika hoe, "mety amintsika mba hahatanterahantsika ny fahamarinana rehetra."

¹⁶⁶ Oh, ahoana fa afaka mamela an'ilay latenay mandritra ny iray minitra aho ankehitriny, ahoana fa izao no mety amintsika hahatanteraka ny fahamarinana rehetra! Eto ilay ora, zavatra iray, tsy maintsy manatanteraka ny fahamarinana rehetra isika. Fantatsika izay hatao. Hitanareo, tokony hanao an'izany isika, marina izany, mino amin'ny fontsika rehetra.

¹⁶⁷ Mariho, arak'izany, hitantsika fa nanetry ny tenany teo amin'ny Fanatrehan'Andriamanitra i Jaona.

¹⁶⁸ Ny zavatra amin'ilay izy dia, ry olona, ry rahalahiko, anabaviko, ary sakaizako, dia ny tonga saina ny amin'ny fahakelezanareo. Hitanareo? Aza tonga saina amin'ny hoe goavana toy ny ahoana ianareo. Tongava saina amin'ny hoe kely toy ny ahoana ianareo. Ianareo dia—kely ianareo. Tahaka an'izany isika rehetra. Afaka manao tsy misy antsika Andriamanitra, fa isika tsy afaka manao tsy misy Azy. Hitanareo? Hitanareo? Isika—tsy afaka manao tsy misy Azy isika, fa Izy afaka manao tsy misy antsika.

¹⁶⁹ Andriamanitra dia miezaka hahita olona anankiray fotsiny izay mety ho Azony eo an-Tànnany. Niegaza nanao an'izany foana Izy. Mariho, manerana ny Baiboly, rehefa nahita Isaia iray Izy, rehefa nahita Jeremia iray Izy. Avy eo Izy dia nahita—nahita an'i Samsona Izy, indray andro; fa Samsona nanome ny heriny ho an'Andriamanitra, saingy nomeny an'i Delila ny fony. Hitanareo, izy . . .

¹⁷⁰ Tsy maintsy manome ny rehetranareo ho an'Andriamanitra ianareo; ny fanomezam-panajanareo, ny fanajanareo, ny zavatra rehetra anareo izay maha-izy anareo. Aoka ho tsinontsinona fotsiny, jereo fotsiny hoe kely toy ny ahoana ianareo, ary izany no tian'Andriamanitra ataontsika. Ary izany no tena fanetre-tena. Tahaka an'izany ireto Serafima ireto teo amin'Ny Fanatrehany, hitanareo, ny tavan'Izy ireo tao amin'ny fanajana, voasarona; ny tongotr'Izy ireo, tao amin'ny fanetre-tena.

¹⁷¹ Ankehitriny, fahatelo, afaka nanidina Izy ireo. Nanana elatra roa Izy ireo izay nampihetsika Azy ireo.

¹⁷² Asehon'Andriamanitra amin'ny Mpaminaniny eto hoe karazana mpanompo toy ny inona no Nomaniny, manaja, manetry tena, ary mihetsika. Izany, hitanareo, izany no tena mpanompon'Andriamanitra, ireo izay manantena Azy. Nanantena an'i Hezekia izay nisandratra Izy, ary lavo nohon'ny avonavona. Fa ny mpanompo iray, ireo Mpanompony eo Anatrehany, dia manaja, manetry tena, ary mihetsika. Ireo Mpanompony, tahaka an'izany no tokony hitafian'izy ireo;

mitafy fanajana, fanetre-tena, ary eo amin'ny asan'ny Ray tsy ankitsahatra. Eny, tompokeo. Manaja, manetry tena, mihetsika.

¹⁷³ Tahaka an'ilay vehivavy kely mihitsy, izay noresahantsika indray hariva, teo amin'ny fantsakana. Ankehitriny, voa kely iray voafidy mialoha nandry tao am-pony izy, fa, vantany vao nanelatra teo io Hazavana io ka hitany fa io no Mesia, dia tsy nila ela ny nidiранy tao amin'ny hetsika. Adinony mihitsy aza ilay sinin-drano izay nananany teny an-tanany. Haingana tahaka an'izany no nidiранy tao amin'ny hetsika. Tsy maintsy niteny tamin'ny olona izy. Tsy maintsy niteny tamin'ny olon-kafa izy, satria azony antoka fa nahita ny Mesia izy. Niditra tao an-tanana izy, ary nidiitra haingana tao amin'ny hetsika, niteny tamin'ny olona.

¹⁷⁴ Petera ilay izy, rehefa nanjono ny alina manontolo izy, ary nipetraka teo amin'ny morona tamin'io maraina io. Rehefa nindrana ny sambony Jesosy, ary nihataka kely niala tamin'ilay morona, ka nitory teny tamin'ny olona. Ary avy eo dia hoy Izy tamin'i Simona hoe, "Mandrosoa any amin'ny lalina, ary alatsaho ny harato fanjonoana. Alatsaho."

¹⁷⁵ Eny, hoy i Simona hoe, "Mpanjono aho. Izaho—Fantattro hoe rahoviana no tsara ny volana sy ireo famantarana. Fantattro hoe rahoviana no mandeha ny trondro. Izaho—teraka teto amin'ity farihy ity aho. Nanjono aho ny alina manontolo fa tsy nahazo na pirina iray aza. Tsy nahazo na inona na inona aho." Hoy izy, "Tsy misy trondro ao. Fa nohon'Ny Teninao," eo ianareo izao, "dia halatsako ny harato." Oh, ianareo mety . . .

¹⁷⁶ Tsy afaka mahazo an'ireo zavatra ireo isika, ianareo, ary mihoatra ny fahazoana Andriamanitra, tsy maintsy mino an'Izany ianareo, hitanareo. Tsy fantatra amin'ny alàlan'ny fahalalana Andriamanitra, tsy amin'ny alàlan'ny fianarana. Fantatra amin'ny alàlan'ny finoana Izy, ary finoana irery ihany.

¹⁷⁷ "Nohon'Ny Teninao! Fantattro fa tsy misy trondro ao. Fa Ny Teninao, raha hoy Ianao hoe, 'alatsaho, misy trondro ac,' Ianao dia . . . ny finoana no hametraka an'izany ao. Izay ihany. Halatsako ny harato."

¹⁷⁸ Raha ny olona izay mipetraka eto, izay marary ary—ary mila fanampiana avy amin'Andriamanitra, raha hoy ianareo hoe, "Efa nandalovako ny laharam-bavaka tsirairay, izaho—efa nataoko ny zavatra rehetra, fa, nohon'Ny Teninao, dia halatsako ny harato. Tonga aho izao ankehitriny izao, ka handray an'izany. Mino aho fa ao amin'Ny Fanatrehany aho. Ary izaho dia . . ." Ary fantaro izany, amin'ny fanetre-tena, sy fahatsoram-po ary fanajana. Alatsaho ny harato. Fikiro izany. Andriamanitra no niteny an'izany, ary izany no manao azy tahaka an'izany!

¹⁷⁹ Ary hitantsika, fa izy vantany vao, satria mpanjono iray ary mahafantatra hoe inona ny—ny mahazo trondro mahafeno sambo tsara, ary lehilahy mahantra iray izy, saingy haingana

mihitsy no nidirany tao amin'ny hetsika rehefa nilaza Jesosy hoe "manomboka izao dia hahazo olona ianao." Tsy nila ela loatra izany ho azy. Nanetry ny tenany izy, niankohoka teo anatrehan'i Kristy, nanao hoe, "Mialà amiko, Tompo; lehilahy mpanota aho." Hoy izy, "Izaho—izaho—tsy afaka mijanona eo amin'Ny Fanatrehanao fotsiny aho."

¹⁸⁰ Nanao an'ilay zavatra iray ihany i Isaia. Hoy izy hoe, "Lehilahin'ny molotra mpanota aho, ary miara-mitoetra amin'ny mpanota." Oh, toerana iray toy ny inona no nisy azy!

¹⁸¹ Toy izany koa no nolazain'i Petera, ka nanetry ny tenany izy, lavo tamin'ny tavany ary nangataka tamin'ny Tompo mba hiala aminy. Hoy Izy hoe, "Aza matahotra, ry Petera, manomboka izao dia hahazo olona ianao." Aryniditra tao amin'ny hetsika haingana mihitsy izy.

¹⁸² Indray mandeha, dia nisy lehilahy jamba iray izay nositrarin'i Jesosy. Tsy nila ela loatra ny nidirany tao amin'ny hetsika; niditra tao amin'ny hetsika izy, nanely ny Lazany hatraiza hatraiza. Tonga ny olona iray ka nanao hoe, "Nahoana, iza no nanasitrana anao?" hoy ilay mpisororona. Izy—nilaza izy, noteneniny taminy hoe Iza no nanasitrana azy.

¹⁸³ Nanontanian'izy ireo aloha ny rainy sy ny reniny. Ary hoy ilay reniny... Eny, ankehitriny, natahotra izy ireo, satria raha—raha nanaiky an'i Jesosy ny olona iray, nahoana, dia handroaka azy hiala amin'ny synagoga izy ireo. Ary naverin'izy ireo teo amin'ny zanany mahantreza izany. Hoy izy ireo hoe, "Efa lehibe izy. Anontonio izy."

¹⁸⁴ Dia hoy izy hoe, "Anankiray, Jesosy avy any Nazareta, no nanasitrana ahy."

¹⁸⁵ Hoy izy hoe, "Nahoana, omeo dera Andriamanitra!" Hoy izy, "Izahay—izahay dia... Tsy mahafantatra na inona na inona momba an'io Jesosy avy any Nazareta io izahay." Hoy izy, "Mpanota iray Izy. Aza omena Azy ny dera; omeo an'Andriamanitra izany rehetra izany. Ary ankehitriny tsy fantatray hoe avy taiza Izy."

¹⁸⁶ Eny, nanana fanontaniana iray tena tsara ho azy ireo ity lehilahy jamba ity. Dia hoy izy hoe, "Zavatra hafahafa mihitsy izany. Hoe ianareo rehetra no mpitarika ara-panahy amin'izao andro izao, ary io Lehilahy io no nampahiratra ny masoko jamba, ary teraka jamba aho, kanefa tsy fantatrareo izay Nihaviany. Hitanareo, zavatra hafahafa izany ankehitriny."

¹⁸⁷ Afaka milaza an'ilay zavatra iray ihany ve aho? Ilay tena Andriamanitra izay nampanantena ny ho tonga eo amin'ny Fiagonany mihitsy, amin'izao andro farany izao, nefo tsy manana ny valiny izy ireo. Ilay anankiray izay mandray no manana ny valiny.

¹⁸⁸ Hoy izy, “Na mpanota Izy na tsia, tsy afaka milaza an’izany aho. Fa zavatra anankiray no fantattro; hoe jamba aho fahiny, afaka mahita aho ankehitriny.”

¹⁸⁹ Mpanota aho fahiny; voavonjy nohon’ny fahasoavan’Andriamanitra aho. Fantattro fa nisy zavatra nitranga tamiko. Izaho... nisy zavatra nitranga. Afaka miantso an’izany ianareo hoe “holy-roller” na afaka miantso an’izany amin’izay irianareo iantsoana azy ianareo, fa Izany no namonjy ahy, telopolo taona mahery lasa izay. Ary mihatsara foana izany, noho izany aho—mankasitraka an’izany aho.

Hoy ny olona iray hoe, “Lasa adala ianao.”

¹⁹⁰ Hoy aho hoe, “Eny, noho izany dia avelao aho hipetraka tsara. Tsaratsara kokoa amiko ny tahaka an’izany toy izay ilay fomba hafa, noho izany dia avelao aho hijanona amin’izay maha-izy ahy. Mahatsapa ho tsaratsara kokoa aho amin’izao, ary manao tsaratsara kokoa. Afaka manao bebe kokoa aho.” Eny, tompoko.

¹⁹¹ Niditra tao amin’ny hetsika avy hatrany izy. Eny, tompoko, nanely ny Lazany hatraiza hatraiza.

¹⁹² Ny olona tamin’ny Pentekosta, vantany vao hitan’izy ireo fa nihazona ny Fampantanenany Andriamanitra! Hoy Jesosy hoe, “Indro, Izaho mandefa ny teny fikasana,” ny Soratra, “ny teny fikasan’Ny Raiko aminareo. Fa mijanôna,” izany hoe *miandrasa*, “miandrasa ao an-tanànan’i Jerosalema mandra-panafy anareo ny Hery avy any amin’ny Avo.”

¹⁹³ Tsy ilay laharam-bavaka voalohany, na ilay fotoana voalohany nandalovana, fa mijanôna eo fotsiny mandra-pitrangan’izany, hitanareo. “Mandra-paha,” tsy indray andro, roa andro, na folo taona, “mandra-pitrangan’izany fotsiny.” Mijanôna mandra-paha!

¹⁹⁴ Ary rehefa feno ny Fanahy Masina izy ireo, dia niditra tao amin’ny hetsika haingana mihitsy; nivoaka teny an-dàlambe, sy nihiaikiaka, sy nandihy, ary nihetsika tahaka ny olona mamo, sy niteny tamin’ny fiteny tsy fantatra, ary hadalana toy ny inona! Tao amin’ny hetsika haingana mihitsy izy ireo; vantany vao nanetry ny tenany, niditra ka nanidy ny varavarana, ary niandry ny Tenin’Andriamanitra.

¹⁹⁵ Oh, izay efa hitantsika, ry sakaiza! Fantattro fa efa tara izao ary tsy te-hihazona anareo ela aho. Fa, jereo! Izay efa hitantsika, tao anatin’ny—tao anatin’ny taona vitsivitsy, dia tokony hampiditra ny tsirairay avy amintsika ao amin’ny hetsika. Tokony hampiditra antsika ao amin’ny hetsika izany. Inona? Voalohany, manao antsika hanaja, hanetry tena, ary ho ao amin’ny hetsika. Ary ny fitiavana no mirehitra ao am-pontsika, miezaka ny tsarantsika indrindra, mba hahita tontolo iray very. Ary mahita an’ireo famantarana izay Andriamanitra.... Na dia ambany aza, araka ny fantattro, hatrany amin’ilay

anankiray tena farany izay horaisin'ilay Fiangonana alohan'ny hilatsahan'ny afo avy any an-danitra. Ilay Andry Afo iray ihany izay hita tany an-efitra, ilay Anankiray ihany izay nandavo an'i Masindahy Paoly, no ilay Anankiray ihany izay nanao ny Sariny ho azon'Izany mihitsy aza, eto mihitsy manao an'ilay zavatra iray ihany izay Nataony tany, ilay Mesia iray ihany.

¹⁹⁶ Raha mametraka ny ain'ny voatavo ao anaty pasteky iray ianareo, dia hamokatra voatavo izy. Raha mametraka ny ain'ny voaloboka ao anatin'ny—ny—ny hazo poara iray ianareo, dia hamokatra voaloboka izy, satria izany ilay aina izay ao anatiny.

¹⁹⁷ Ary raha ity izay hitantsika sy fantatsika ity, an'arivony manerana an'izao tontolo izao no mahafantatra Azy, ny siansa dia nanambara Azy, hatraiza hatraiza, nalaina ireo sary. Eto mihitsy Izany ankehitriny. Marina izany, tena marina. Eto mihitsy Izany ankehitriny! Ary raha tsy mamokatra an'ilay karazana fiainana iray ihany izay Nentiny fony Iz y tao amin'ilay olona Izany, Kristy Jesosy, raha tsy manao an'ilay zavatra iray ihany ao amin'Ny Fiangonany Izany, amin'izay fotoana izay dia diso izany. Fa raha mamokatra an'ilay fiainana iray ihany Izany, dia tsy maintsy ho ilay Andry Afo iray ihany izay nitarika an'i Isiraely izany. Mitarika antsika mankany amin'ilay Tany Nampanantenaina Izany. "Ao an-tranon'Ny Raiko misy fitoerana maro," ny temy fikasana izay Nomeny antsika, ary Izany no mitarika antsika ho any. Ary hitantsika fa voamarina tanteraka Izany, ny Tenin'Andriamanitra tonga voaseho. Mandeha ny mandringa, mandre ny marenina, mahiratra ny jamba, mitsangana ny maty; tsy azo afenina ny eritrerity ny fo, voaseho avy hatrany izany, ireo tena asa izay Nataony mihitsy. Inona izany, lehilahy iray ve? Izany no Mesia! Izany no Mesia, Andriamanitra, ny Fanahy Masina, ilay Iray ihany. Izany dia tokony hametraka...

¹⁹⁸ Ny fiangonana Pentekotista, raha tokony hiezaka ny hitsikera an'Izany, dia tokony ho ao amin'ny hetsika, hatraiza hatraiza, miaraka amin'ny fanetre-tena sy fitiavana, miezaka maneho an'Izany amin'ny vahoaka very sy eo am-pahafatesana. Tokony hanaja an'Izany isika. Tokony ho tia Azy isika. Aetreh o ny tenantsika, ataovy manaja ny tenantsika, ary aoka ho ao amin'ny hetsika tahaka an'ireto Serafima ireto, miaraka amin'ny fanajana sy fanetre-tena. Nohamarinina mazava tsara, nampanantenaina antsika amin'ny andro farany, ary indro Izy! Hitantsika Izany. Jesosy no niteny izany, nilaza fa hitranga Izany. Eto Izany, alohan'ny handoroana azy mihitsy. Io famantarana Ny Fihaviany io no manaporofo fa antomotra mihitsy ny Fihaviany ankehitriny. Mety ho tonga amin'ny fotoana rehetra izany. Tsy mahita na inona na inona hisakana ny Fampakarana an'ilay Fiangonana aho izao ankehitriny izao.

¹⁹⁹ Eny, ny marika—eny, ny mariky ny bibidia dia eo amin'ilay ilany hafa, tsarovy, hitanareo, ny apostazy, tonga amin'ny maha-

fiangonana izany. Andraso ankehitriny, izaho, angamba mety ho nilaza zavatra aho. Izany no fomba ahitako azy, hitanareo. Ary diniho.

²⁰⁰ Teny amin'ny teny, efa tanteraka sahadys izany. Tokony hametraka antsika ao amin'ny hetsika izany. Marina tokoa izany. Tokony hitondra ny fanahy very tsirairay isika, ho amin'ny Fanjakan'Andriamanitra, arak'izay vitantsika. Satria, indray andro any dia hitondra azy ireo ianareo saingy tsy hahavita soa izany. Hikatona ny varavarana, tsy hisy intsony. Oh, mety ho manamboamboatra ara-tsaina izy ireo, sy taitaitra, sy mikiakiaka, sy mitsambikina ambony-sy-ambany, ary mihambo ho *ity*, fantatrareo. Fa rehefa tonga hividy Solika ilay virijiny natory, dia tsy nahazo an'Izany mihitsy izy. Ary efa mba nahita fotoana ve ianareo, ao amin'ny tantara rehetra an'izao andro farany izao, hoe efa mba nisy fotoana iray izay ezahan'ireo Presbyterana, Loterana, ny zavatra hafa rehetra, ho tonga eo amin'ny Hafatra pentekotista? Inona no nolazain'i Jesosy? "Raha nandeha nividy izy ireo, dia izany no fotoana izay nidiran'ny Ampakarina," niditra ilay virijina hendry. Tsy nahazo an'ilay Solika izy ireo. Tsy azon'izy ireo Izany. Izay ihany. Araka ny Soratra izany.

²⁰¹ Ary hitanareo ireo famantarana sy ireo zavatra hafa ireo, ny zavatra rehetra dia mipetraka ao amin'ny lamina ho an'Ny Fihaviany.

²⁰² Tamin'ny fiambenana fahafito, no tonga Izy. Ny sasany dia resin-tory tamin'ny fiambenana voalohany, faharoa, fahatelo, fahefatra, fahadimy. Ary tamin'ny fiambenana fahafito dia nisy antsoantso iray hoe, "Indro, tonga ny Mpampakatra!" Ny taompiangonana fahafito, izany ilay fiambenana, ilay taona izay niambina an'izany. Ary ity no Taom-Piangonana Laodikia, eo amin'ny fiafarany. Amena. Oh, izany dia... Nahoana no tsy hifoha ianareo, ry olo-masin'ny Tompo, nahoana no rendremana nefá manakaiky ny farany?

²⁰³ Fa, tsarovy, ny fiangonana ao amin'ny Taonan'i Laodikia dia tokony ho matimaty. Hoy Izy hoe, "Satria ianao dia milaza fa ianao dia 'manan-karena,' ary—ary ianao dia 'nitombo fananana.'" Ary hoy Izy, "Tsy fantatrao fa ianao dia mitanjaka, jamba, mahantara, ory, nefá tsy fantatrao izany." Hoy Izy, "Haloako avy amin'ny Vavako ianao."

²⁰⁴ Ary indro fa amin'ny fiafararan'ny zavatra rehetra isika, fiafararan'ny tantara, fiafararan'ny fandrosoana. Afaka mahita ianareo. Jereo eny an-dàlambe.

²⁰⁵ Niresaka tamin'ilay mpamily taxi aho, izay nitondra ahy. Hoy izy hoe, "Eny, ny hany fomba tokana azoko tenenina, rehefa mahita lehilahy iray manao fihetsika tsara aho eto, dia fantattro fa vahiny iray izy." Hitanareo? Ankehitriny, anankiray amin'ireo

mpamily taxi-nareo no nilaza an'izany. Nilaza fa izy ireo dia . . . fomba . . .

²⁰⁶ Tsy eto ihany izany, fa hatraiza hatraiza. Ny fiafaran'ny zavatra rehetra; lozabe toy ny ahoana, lehilahy, sy ny karazana zavatra ratsy rehetra, ary izay ataon'izy ireo. Simba izao tontolo izao. Jereo eny an-dàlambe. Jereo fotsiny izany, oh, oadray, hatraiza hatraiza! Tsy eto Amerika irery ihany; hatraiza hatraiza, nahoana, izany no—izany no Sodoma moderina.

²⁰⁷ Tsy misy na inona na inona tavela, afa-tsy ny ho may. Ary, izay ihany, ho diovina izy. Andriamanitra no hanao an'izany. Mitaky an'izany ny Lalany. Tsy maintsy ho tahaka an'izany no anaovana azy. Rehefa niaina ny fiainany ny tahon-katsaka iray, dia tsy maintsy ravàna izy. Rehefa miaina ny fiainany ny voninkazo dia tsy maintsy maty izy. Ary efa niaina ny fotoany ny fandrosoana. Niaina an'izany ny taom-piagonana. Niaina an'izany ireo anaram-piagonana.

²⁰⁸ Fotoan'ny fikambana iray izao. Misy ny Firenena Mikambana, ny fiagonana mikambana, ary ny ezaka mikambana. Famantaran'ny inona izany? Kristy sy Ny Ampakariny mikambana. Izany ilay izy. Aloka sy tandindona daholo izany. Ny zavatra rehetra dia te-hikambana, noho izany dia famantarana iray izany. Kristy dia vonona ny hikambana amin'Ny Ampakariny, miseho eny amin'ny lanitra ny Sakafo harivan'ny Mpanambady, noho izany dia tokony hampiditra ny fiagonana ao amin'ny hetsika izany rehefa hitantsika fa antomotra ireo Famantarany. Oh, oadray! Ireo zavatra rehetra ireo dia famantarana ho antsika, hatraiza hatraiza. Oh, tokony ho ao amin'ny hetsika isika!

²⁰⁹ Isika, tahaka an'ilay mpaminany fahiny, Isaia, dia hitantsika hoe tonga hatraiza ny olona manandra-tena. Hitantsika hoe inona, ireo rafi-pandaminana mitsangana ireo ka manao hoe, "Eny, satria tsy mikambana aminay ianareo, dia tsy ao anatin'izany akory aza ianareo," hitantsika izay mitranga amin'izy ireny. Inona no verin'izy ireo? Toy ny hoe trathy ny habokan'ny fahotana izy ireo, an'ny tsi-finoana, izy ireo—verin'izy ireo ny fihazonany ny Tenin'Andriamanitra. Ny sasany amin'ireo olona ireo dia miezaka, mifanakalo izy ireo, mahavery ny fihazonany ny Teny, ary manakalo an'Izany amin'ny fanekem-pinoana. Lasa inona ny tenan'izy ireo? Loton'ny habokana iray. Marina izany.

²¹⁰ Tahaka an'i Ozia fahiny, izay niezaka naka an'ilay toeran'ny asa voahosotra, nefo tsy nanana na inona na inona afa-tsy ny diplaoman'ny dokotera, na zavatra iray. Tsy mitady diplaoman'ny dokotera Andriamanitra; mitady fo manetry tena Izy, olona iray izay hino Azy. Fa isika dia naka lehilahy ary nampianatra azy ireo ho eveka sy ny zavatra hafa rehetra, kardinaly sy inona koa, nampianatra azy ireo ampy mba

hihazonana asa Masina iray miaraka amin'ny fampianarana mikasika ny ara-nofo. Mila ny batisan'ny Fanahy Masina isika, mba haka an'izany asa izany. Ny Fanahy Masina no Mpitaiza antsika. Izy no ilay Anankiray izay mampahafantatra ny Tenany eo anivontsika, ny famantaran'ny ora, ireo andro farany. Fa isika, tahaka an'i Hezekia, misandratra, mihevitra fotsiny izy ireo fa afaka maka ny toerany.

²¹¹ Jereo hoe inona no nataon'ireo fiantraikan'ny fahitana tamin'ilay mpaminany. Ankehitriny, mpaminany iray izy. Izy dia fanaka ahatongavan'ny Tenin'ny Tompo. Voafidy izy, teraka ho mpaminany. Farany dia nanolotra ny ainy izy, voatsofa potipotika tamin'ny tsofa iray. Fa hitantsika fa ity mpaminany lehibe ity, rehefa nahita an'io fahitana io avy any An-danitra izy, ary nahita an'ilay lamina, ahoana no nanomanan'Andriamanitra ny Olony, nahoana, izany no nahatonga an'ilay mpaminany hiaiky fa mpanota iray izy.

²¹² Ary te-ho tena goavana isika, ary hanao karazana vozon'akanjo mivadika goavana iray, karazana akanjo, fantatrareo, izay manao antsika ho tena masina sy feno fanajana. Tsy misy fahamasinana amintsika. Tsy afaka ho masina isika; avy amin'Andriamanitra ny fahamasinana. Hitanareo? Izany tokoa. Tsy misy fiangonana masina iray, tsy misy tendrombohitra masina iray; Andriamanitra masina iray no misy. Marina izany. Tsy vahoaka masina; Andriamanitra masina iray! Andriamanitra ao amin'ny olona izany. Nanondro ny Tendrombohitra Fiovan-tarehy i Petera hoe, "ny tendrombohitra masina," nidika izany fa Andriamanitra masina no teo amin'ilay tendrombohitra. Jereo izany ankehitriny, hitanareo. Fa Andriamanitra masina iray no teo, ny Fanatrehan'Andriamanitra, izany no nanao azy ho masina.

²¹³ Ny Fanatrehan'Andriamanitra eo afovoantsika ankehitriny no mitondra ny fahamasinana, tsy ny fahamasinako, tsy ny anareo, fa ny Fahamasinany. Ny Fanatrehany no mitondra ny fahamasinana. Tokony hanetry ny tenantsika isika, hanarona ny tenantsika amin'ny fanajana, fanetre-tena, ka manao hoe, "Tompo Jesosy, raiso ao amin'Ny Fanjakanao aho." Ny Fahamasinany, fa tsy ny antsika. Fanahy Masina!

²¹⁴ Niaiky ilay mpaminany, nahatonga azy nilaza hoe, "Lehilahy maloto molotra aho." Mpaminany iray! Andriamanitra, mila fahitana iray hafa tahaka an'izany izahay! Rehefa hitany teo ambony teo, ny...hitany io Herin'Andriamanitra manadio io.

²¹⁵ Diniho ankehitriny hoe ahoana no nataon'Andriamanitra. Naniraka ny anankiray tamin'ireo Serafima Izy ka naka an'ilay tandra, naka vainafo teo amin'ny alitara ka nametraka an'izany

teo an-Tànany, tonga nampandry ny lohan'i Isaia nankany aoriana ary nikasika ny molony, nanao hoe, "Lasa ny helokao."

²¹⁶ Avy eo dia nianatra lesona iray hafa i Isaia. Mety hampiditra an'ity aho. Mety tsy dia mety loatra, saingy mino aho fa marina izany. Efa voamarikareo ve, Andriamanitra dia manadio an'ireo Mpaminaniny amin'ny Afo, fa tsy amin'ny alàlan'ny teolojia na karazana boky iray Hitanareo? Manadio ny Olony amin'ny Afo Izzy, Fanahy Masina sy Afo; fa tsy amin'ny alàlan'ny fanambaran'ny fanekem-pinoana, na boky na zavatra tsy maintsy ianaranareo, andiana vavaka, sy ny sisa. Manadio azy ireo amin'ny Afo avy eo amin'ny altara Izzy. Tahaka an'izany no Ametrahany azy ao amin'ny lamina. Hia. Eny, tompoko. Tahaka an'izany no Nanadiovany an'ireo Mpaminaniny tany amin'ny voalohany, rehefa tao amin'ny efitra ambony ireo roapolo amby zato, nilatsaka ny Fanahy Masina, ary lelan'Afo no nippetraka teo ambonin'izy ireo. Nodiovina izy ireo ary vonona ho an'ny asa. Tahaka an'izany no anadiovan'Andriamanitra. Tsy amin'ny fianarana, mahazo Bakalorean'ny Literatiora, na DD., Ph.D.; fa mahazo Afo Masina avy any An-danitra, izay manaisotra ny fandaingana amin'ny molotrareo, ary manala ny ara-nofo ao aminareo, mandoro an'izany karazan-javatra izany, io tain-drendrika avy—avy amin'izao tontolo izao io, ary mametraka Ny Fanatrehany ao ka miaina amin'ny alàlan'io olona io. Afo Masina no anadiovan'Andriamanitra Ny Fianganany. Nianatra an'izany i Isaia. Tokony hianatra an'izany isika, hoe tsy manadio amin'ny alàlan'ny fahalalana Andriamanitra. Manadio amin'ny alàlan'ny Afo Izzy.

²¹⁷ Hitanareo hoe manao ahoana izy, mpaminany iray voapetraka ao amin'ny lamina. Ankehitriny dia nanadio ny molony Izzy, nanaisotra ny helony. Avy eo izy rehefa avy nanao, dia niaiky izy, nanetry ny tenany, hoy izy hoe, "Lehilahy maloto molotra aho," rehefa nahita ny Fanatrehan'Andriamanitra izy.

²¹⁸ Manaraka ahy ve ianareo? [Hoy ny fianganana hoe, "Amena."—Mpand.] Inona isika, inona no fantatsika izao ankehitriny izao? Ao amin'ny Fanatrehan'Andriamanitra isika. Marina izany. Mipetraka isika izao ankehitriny izao. Ianareo ve... Tsy afaka mahazo an'izany isika, saingy ao amin'ny Fanatrehan'Andriamanitra isika ankehitriny, mahita an'Andriamanitra. Mino ve ianareo fa eto Izzy? Izany tokoa, eto Izzy. Isika... [Elanelana tsy voaraki-peo.]

²¹⁹ Rahalahinareo aho. Saingy hoy Izzy hoe, "Ny asa izay Ataoko, no Izzy... hataonareo koa." Izany ve no Nolazainy? Eny àry. Raha eto Izzy, dia eto Ny Fanahiny. Izany no manao Azy. Noho izany raha afaka manolotra ny tenantsika isika ary manala an'ireo eritreritsika manokana. Tahaka an'ity fotsiny izay tsy manana eritreritra, avy eo dia misy feo hafa iray afaka miteny amin'ny alàlany. Izany ilay fanao. Raha afaka manaoana ny tenantsika isika. Izay ilay tsiambaratelo, mialà

amin'ny tenanareo! Amin'izay fotoana izay Andriamanitra dia... Mialà amin'ny fisainanareo manokana. Mialà amin'ny lèlanareo manokana, ary amin'izay fotoana izay Andriamanitra vao afaka mihetsika. Raha Izy no Jesosy Kristy, ilay tsy miova omaly, anio ary mandrakizay, dia mino an'izany ve ianareo? Minoa Azy izao ankehitriny izao ka jereo raha marina izany.

²²⁰ Nijery an'io lehilahy kely mipetraka eto io aho, eto alohako mihitsy. Tsy manana karatra fangataham-bavaka ianao. Ianao, raha hiteny amiko an'izay ipetrahanao eto Andriamanitra, dia mino an'izany ve ianao? Olana ara-panahy iray ilay izy, voaratra tanteraka ianao ka tsy fantatralo izay hatao. Raha marina izany, dia atsangano ny tånanao. Eny àry, tapitra izany rehetra izany. Raiso ny Teny, izay nolazaiko, dia tapitra izany rehetra izany.

Mino an'izany ve ianao?

²²¹ Io ramatoa maity hoditra mipetraka etsy aoriana etsy mihitsy io, njery azy; tratran'ny aretim-po. Mino ve ianao fa hanao anao ho salama Andriamanitra? Azo antoka. Mino ve ianao? [Hoy ilay anabavy hoe, "Amena."—Mpand.] Eny àry, afaka mahazo ny fahasitrananao ianao.

Mino ve ianao fa Izy no tsy miova omaly ary . . .

²²² Io lehilahy io, io lehilahy fotsy hoditra miaraka amin'ny tånany mitsangana io, mino ahy ho mpaminanin'Andriamanitra ve ianao, ny Mpampony? Tsy fantatralo ianao. Vahiny amiko ianao. Manana karatra fangataham-bavaka ve ianao na zavatra iray? Lehilahy iray mipetraka eto fotsiny ianao. Eny àry, tompoko, trathy ny fivontosana iray ianao eo amin'ny tendanao. Marina izany. Marina ve izany? Mino ahy ho Mpaminaniny ve ianao? Mino ahy amin'ny fonao rehetra ve ianao? Manana iray hafa ianao, manana enta-mavesatra ianao ao amin'ny fonao. Mikasika zazavavy kely iray izany, ny zafikelinao. Manana tånana ratsy izy. Marina izany. Marina ve izany? Misy fifandraisana tsara iray. Iray minitra fotsiny. Tsy avy eto ianao. Avy any Connecticut ianao. Ary Wilson no anaranao. Art no fanampin'anaranao. Art Wilson. Marina tokoa izany. Marina ve izany?

Mino an'izany ve ianao? Marina!

²²³ Misy ramatoa mipetraka eto aoriana eto mihitsy, ramatoa maity hoditra iray, toa manao zavatra iray tahaka ny palitao mavo, hia, chartreuse maitso. Mivavaka izy. Manana karatra fangataham-bavaka iray ve? [Hoy ilay anabavy hoe, "Tsy mila anankiray."—Mpand.] Tsy manana karatra fangataham-bavaka iray ve ianao? Tsy manana ianao. Mino ahy ho Mpampony ve ianao? Vahiny tanteraka aho. Firazanan'olona roa isika. Ianao, fa mivavaka ianao. Ianao izany. Eny. Mino ve ianao fa afaka miteny amiko ny olanao Andriamanitra? Trathy ny fivontosana iray ianao. Marina izany. Ao am-ponao dia misy zavatra iray, ihany koa. Mivavaka ianao. Sakaiza iray izy, trathy ny aretin'ny

voa. Raha marina izany, dia atsangano ny tànanao. Eny àry. Afaka mahazo ny fangatahanao ianao ankehitriny.

²²⁴ Mihaika ny finoanao aho! Inona izany? Rehefa hitan'ilay mpaminany fa tao amin'ny Fanatrehan'Andriamanitra izy, dia nanetry ny tenany izy. Jereo, nanetry ny tenany aloha izy, avy eo vao nanadio azy ny Afo. Ary rehefa avy nanadio azy ny Afo, tamin'izay fotoana izay dia Isaia iray voadio ilay izy. Rehefa nandre ny Feon'Andriamanitra izy, nanao hoe, "Iza no handeha ho Ahy?" dia niditra tao amin'ny hetsika izy hoe, "Inty aho, iraho aho." Oh, oadray!

Rehefa nikasika an'ilay mpaminany ny vain'Afo,
Nanao azy ho madio araka izay naha-izy azy,
Rehefa hoy ny Feon'Andriamanitra hoe, "Iza no
handeha ho anay?"
Dia namaly izy hoe, "Tompo, inty aho, iraho aho."

²²⁵ Amena. Izany no antson'i Isaia madio, rehefa avy nanadio azy ny Fanahy Masina. Tsy mila traikefan'ny seminera izy, tsy nila traikefan'ny boky. Efa nodiovin'ny Afon'Andriamanitra izy, ary nantsoina hankao amin'ny hetsika. Inona izany? Rehefa nahita an'Andriamanitra tao amin'ny hetsika izy, dia niditra tao amin'ny hetsika.

²²⁶ Mahita an'Andriamanitra ao amin'ny hetsika isika. Izao no fotoana hidiran'ny fiangonana amin'ny hetsika sy ho ohatra ny amin'ny hoe inona Andriamanitra. Mino an'izany ve ianareo? Firy no te-hiaiky ny hadisoanareo rehetra sy ny zavatra rehetra ankehitriny, ka hanao hoe, "Andriamanitra, diovy aho"?

Sitrano ilay lehilahy tanora.

²²⁷ (*Rehefa Nikasika An'Ilay Mpaminany Ny Vain'Afo.*) Ndaoo isika hitsangana. Hijanona eto mihtsy aho, efa tara izao. Minoa amin'ny fonareo rehetra ankehitriny.

²²⁸ Tiako ianareo hanondrika ny lohanareo. Tsarovy, rehefa avy nahita an'Andriamanitra izy! Indro eo indray Izany. Amena. Ankehitriny dia mety hitranga ny zavatra rehetra. Mety hitranga ny zavatra rehetra.

Rehefa nikasika an'ilay mpaminany ny vain'Afo,
Nanao azy ho madio araka izay naha-izy azy,
Rehefa hoy ny Feon'Andriamanitra hoe, "Iza no
handeha ho anay?"
Dia namaly izy hoe, "Inty aho, iraho aho."
Mitenena, ry Tompoko . . .

Atsangano ny tànanareo ankehitriny.

. . . oh, mitenena, ry Tompoko,
Mitenena, dia hamaly Anao haingana aho;
Mitenena, ry Tompoko, mitenena, ry Tompoko,
Mitenena, dia hamaly aho hoe, "Tompo, iraho
aho."

Oh, an-tapitrisany ankehitriny no maty ao amin'ny fahotana sy ny henatra, (Jereo ireo lâlambenareo.)

Oh, henoy ny fitarainany mampalahelo sy mangidy;

Oh, haingàna, rahalahy, haingàna hamonjy azy ireo;

Mamalia haingana hoe, “Tompo, inty aho.”

Mitenena, ry Tompoko . . .

Aoka ho entitra amin’izany marina tokoa ankehitriny.

. . . mitenena, ry Tompoko,

Mitenena, dia hamaly Anao haingana aho;

Mitenena, ry Tompoko, mitenena, ry Tompoko,

Mitenena, dia hamaly aho hoe, “Tompo, iraho aho.”

²²⁹ Ndao isika hametraka ny tànantsika eo ambonin’ny fontsika, raha misamonomonona isika. Ataovy ny fiaikenareo, mananova hoe, “Tompo, lehilahy maloto molotra aho. Vehivavy maloto molotra aho.” Ndao isika hanao fiaikena marina iray, hanana fifohazana marina isika. Voadio aloha. Diniho, tsy maintsy nodiovina aloha ilay mpaminany. Nikasika azy ny Afo, avy eo dia niditra tao amin’ny hetsika izy. “Tompo, omeo zotom-po iray ao am-poko aho. Mametraha zavatra iray ato amiko izay tsy ananako, Tompo. Ataovy ato anatiko ny Fitiavanao sy ny Afo, avy eo dia iraho aho.” Ataovy ny fiaikenareo ankehitriny, minoa an’Andriamanitra amin’ny fonareo rehetra.

Mitenena, ry Tompoko, mitenena, ry Tompoko,

Oh, mitenena, fa hamaly Anao haingana aho;

Mitenena, ry Tompoko, mitenena, ry Tompoko,

Mitenena, dia hamaly aho hoe, “Tompo, iraho aho.”

[Misamonomonona Rahalahy Branham—Mpand.]

Nanao azy ho madio araka izay maha-izy azy,

Rehefa hoy ny Feon’Andriamanitra hoe, “Iza no handeha ho anay?”

Dia namaly izy hoe, “Tompo, indro, iraho aho.”

Mitenena . . .

²³⁰ Ankehitriny dia avelao hiteny ao am-ponareo Andriamanitra; tena manetry tena, mamy, am-panajana ao amin’Ny Fanatrehany. Ny mpanota tsirairay, ny olo-masina tsirairay, ho antsika rehetra izany. Ho ahy izany. Ho an’ny rehetra izany. Eto Ny Fanatrehany, eto Izy izay Nolazainy fa Hataony. Ilay famantarana izay Nolazainy fa ho azontsika, eto Izy. Raha mbola mitendry moramora ny zava-maneno, dia ndao isika hiaiky ny fahadisoantsika fotsiny. “Tsy tsinontsinona aho, na izany aza, Tompo. Mitenena amin’ny foko. Diovy aloha

aho, Tompo. Alefaso ny Fanahy Masina ka diovy aho. Fantattro fa ao amin'Ny Fanatrehanao aho. Mahita Anao aho tahaka ny nahitan'i Isaia Anao, mihetsika. Feno ny toerana, tsy setroka ankehitriny, feno Hazavana izany, feno Voninahitra."

²³¹ O Tompo Andriamanitra, Mpanao ny lanitra sy ny tany, raha manana an'izany ao an-tsainay izahay, dia hitanay izay mitranga amin'ny olona misandratra avo. Ohatra ho anay daholo izy ireo. Hitanay hoe inona ny fanetre-tena sy ny vavaka, ho an'ilay voavonjy, ny dikany.

²³² Mivavaka aho, Ray any An-danitra, izao ankehitriny izao ho an'ity mpanatrika ity sy ho an'ny tenako. Tompo, esory hiala amiko izay tsy mitovy Aminao. Izaho—izaho—izaho—tiako Ianao ho velona ato Anatiko, Tompo. Tiako Ny Fanahinao miaraka amin'ny—miaraka amin'ireo fahalehibeazana. Tiako Ianao hivelona tanteraka mihitsy ato anatiko, ka tsy ny tenako intsony aho, fa izaho—mandeha sy miresaka ary miaina ao Aminao fotsiny aho. Ekeo izany, Tompo. Inty aho. Diovy aho, Tompo. Diovy ity fiangonana ity. Diovy izahay rehetra, miaraka. Esory ny aretina, esory ny fahotana, esory ny tsi-finoana, esory ny fisalasalana, esory izany rehetra izany. Aoka ny Fanahy Masina ho tonga ankehitriny miaraka amin'ny vain'Afo avy amin'ilay Alitara, pitik'afio vaovao an'ny pentekosta, ka hanadio ny fo tsirairay ato. Raiso izahay, Tompo. Anao izahay. Mino Anao izahay. Ekeo izany, Ray.

...mitenena, ry Tompoko,
Mitenena, dia hamaly aho hoe, "Tompo, iraho
aho."

²³³ Izay rehetra mila, sy maniry, ary efa nanokana ny fiainanareo ho an'i Kristy, indray, ankehitriny, ka te-hanokana ny tenanareo eo amin'Ny Fanatrehany!

²³⁴ Raha hanomboka hiantsa an'izay hitako aho, izaho dia... hitondra ny olona rehetra ato izany, mino aho, izao ankehitriny izao. Fantattro ianareo. Fantatrareo fa tsy hijoro eto aho ka hilaza an'izany amin'ny maha-mpanompon'i Kristy raha tsy misy Izany hatraiza hatraiza. Ao anatin'ny fepetra iray ianareo izao ankehitriny izao hanombohana pentekosta vaovao iray. Marina tokoa izany, ry sakaiza.

²³⁵ Aetreho fotsiny ny tenanareo. Sarony ny tavanareo, sarony ny tongotrareo, manakaikeza Azy fotsiny. Miondreha ary ataoovy ny fiaikenareo, ka minoa. Tianareo ve ny hanao an'izany? Raha tianareo, dia atsangano fotsiny ny tanganareo, raha mihira isika hoe *Mitenena, Ry Tompoko*.

Mitenena, ry Tompoko...

Mivavaha ankehitriny.

...mitenena, ry Tompoko,
Mitenena, dia hamaly Anao haingana aho;

Oh, mitenena, ry Tompoko, mitenena, ry
Tompoko... .



63-1114 Fitaomana
Marc Ballroom
New York, New York U.S.A.

MALAGASY

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org